

四庫全書薈要·乾隆御覽本

集部

五百家註昌黎文集卷二十六 宋 魏仲舉 編

碑銘

唐故贈朝散大夫司勳員外郎孔君墓誌銘

韓曰孔君名戡孔子三十六世孫時與公偕分司東都卒公爲作此誌。今本止題云孔

君墓誌銘

昭義節度盧從史

樊曰昭義軍潞州也。在河東今爲昭德軍。孫曰貞元二十年八月以盧從

史爲昭義節度使

有賢佐曰孔君諱戡字君勝

樊曰從史表戡爲掌書記從

史為不法君陰爭不從則於會肆言以折之從史羞面

頸發赤頸一作顏抑首吐氣吐一作伏不敢出一語以對立為君

更令改章辭者立一作之前後累數十坐則與從史說古今

君臣父子道順則受成福逆輒危辱誅死且曰公當為

彼不得為此從史常聳聽喘汗孫曰從史稍得志益驕與王承宗田緒陰相連

結欲效河朔事以固其位每秉筆至不執之言極言其不可從史怒居五六歲益驕有

悖語君爭無改悔色一作無改悔意色則悉引從事空一府往

爭之從史雖羞退益甚君泣語其徒曰吾所為止於是

不能以有加矣遂以疾辭去卧東都之城東酒食伎樂

之燕不與當是時天下以為賢論士之宜在天子左右

者唯皆曰一無孔君云云會左相李公鎮揚州孫曰元和三年

九月以宰相李吉甫為淮南節度使首奏起君君猶高卧不應猶一作獨從史

讀詔曰是故舍我而從人耶即誣奏君前在軍有某事

上曰吾知之矣奏三上乃除君衛尉丞分司東都詔始

下門下給事中呂元膺封還詔書上使謂呂君曰吾豈

不知戲也行用之矣孫曰貞元中藩帥誣奏從事者皆不驗理便行降黜及戲除詔下元

膺執之上令慰諭
元膺方下詔書

明年元和五年正月將浴臨汝之湯

泉壬子至其縣食遂卒年五十七公卿大夫士相弔於

朝樊曰白樂天為拾遺以詩哭之曰洛陽誰不死哉死

聞長安我是知戲者聞之涕泣然戲佐山東軍非義

不可干拂衣向西來其道直如絃從事得如此人人以

為難人言明明代合置在朝端或望居諫司有事戲必

言或望居憲府有邪戲必彈惜哉兩不諧沒齒為閑官

竟不得一言寥寥立君前形骸隨衆人斂葬北邙山平

生剛腸內直氣歸其間賢者為生民死生懸在天謂天

不愛人胡為生其賢謂天果愛民胡為奪其年茫茫元

如此中誰執處士相弔於家君卒之九十六日詔縛從史

送闕下數以違命流於日南

樊曰從史丁父憂獻計誅王承宗由是奪服復領澤

潞因詔討賊而勒兵逗畱陰與承宗連憲宗用裴拍謀
敕神策中尉吐突承瓘圍之初承瓘與對壘從史時過
其營飲博至是承瓘伏壯士幕下伺其來與語士突起
猝持出帳後縛納車中從者驚亂大將烏重胤部勒其
衆叱曰天子有詔衆乃定此誌不著重胤事而見於烏
氏廟碑孫曰元和五年四月鎮州行營招討使吐突承
瓘縛從史送京師貶驩州司馬補注歐文忠書從史禱
聰明山記曰閱從史官屬題名見孔戡與烏重胤俱列
于後而退之記戡事云戡屢諫不聽卒為重胤所縛鳴
呼禍福成敗之理甚明先事而言則罕見從事至而言
則不及自古敗遂詔贈君尚書司勳貞外郎蓋用常欲
亂未始不由此

以命君者信其志

祝曰信讀作仲易屈
伸相感而利生焉

其年八月甲申

從葬河南府河陰縣之廣武原君於為義若嗜欲勇不

顧前後於利與祿則畏避退處如怯夫然始舉進士第一

一作

及自金吾衛錄事為大理評事佐昭義軍軍帥帥死孫曰貞元

二十年六月昭義節度使李長榮卒。一本不疊帥字。從史軍諸將代為帥請君曰

從史起此軍行伍中凡在幕府唯公無分寸私公苟留唯

公之所欲為君不得已君一作居留一歲再奏自監察御史至

殿中侍御史從史初聽用其言得不敗後不聽信惡益聞

君棄去遂敗祖如圭皇海州司戶贈工部員外郎父岑孫曰

如圭二子岑父

巢父今云岑誤。皇著作郎贈駕部員外郎君始娶弘農楊

氏女卒又娶其舅宋州刺史京兆韋岷女皆有婦道凡生
一男四女皆幼前夫人從葬舅姑兆次卜人曰今茲歲未
可以祔從卜人言不祔君母兄歿音遠尚書兵部員外郎母
弟載字方舉殿中侍御史以文行稱朝廷將葬以韋夫人之
弟前進士楚材之狀樊曰楚材元和二年登第授愈曰請為銘銘曰
允義孔君茲維其藏更千萬年無敢壞傷

唐故中散大夫河南尹杜君墓誌銘

韓曰杜君名兼史有傳公與兼皆嘗佐張建封于徐州至是兼死河南尹而公為都官員

外郎
為銘

杜氏自戴侯畿始分戴侯之子恕為幽州刺史今居京

兆諸杜其後也

孫曰畿字伯侯京兆杜陵人魏河東太守豐樂戴侯有三子恕理寬恕字務伯

弘農太守幽州刺史

其季寬孝廉郎中寬後三世曼為河東太守

葬其父洹水

孫曰寬字務叔舉孝廉為郎中曾孫曼仕石趙為從事中郎河東太守韓曰洹水出

汲郡隆慮縣

○洹胡端切 其後世皆從葬洹水之陽及正倫

孫曰曼玄孫君

賜君賜子景字宣明州府文辟不就景子裕字慶延仕齊樂陵令四子正玄正藏正儀正倫

為太宗

宰相

孫曰高宗顯慶元年三月以正倫同中書門下三品三年十一月罷今云太宗誤也

猶封襄

陽公孫曰顯慶二年九月封襄陽郡公

太宗始詔葬京兆襄陽公無子

以兄正藏子志靜後

孫曰正藏字為善子志靜出嗣正倫為安福令嗣封襄陽公

遂

嗣襄陽公生僑為懷州長史棄官老沁水上為富家卒

葬懷州武陟長史生損為左司郎中卒贈大理少卿大

理生虞

音異又余力切一作大理少卿生虞

為鄭州錄事參軍死思明

亂贈吏部郎中公諱兼字某

補注兼字處弘

郎中第三子

孫曰虞三

子曾左金吾兵曹參軍

舉進士第

韓曰建中元年兼第進士

司徒北

平王燧戰河北掌書記累官至監察御史其後佐泗州

軍

孫曰貞元四年十一月張建封為徐泗濠節度使表佐其府。一本無州字

遂至濠州刺

史

孫曰蕪積勞至濠州刺史蕪性浮險尚豪侈德宗既厭兵大抵刺史重代易至歷年不徙蕪探帝意謀自

固即修武備募召勁兵三千帝以為才逆橫恣集注本傳載兼刺濠州日誣劾韋賞陸楚二人以罪殺之而子

厚杜兼對乃取其在濠州能擯鍾離令之讒今二事誌皆不載豈以其善不足以掩惡故略之耶抑誌與傳異

故叙其族出歷官卒之年徐泗州軍亂以兵防淮道不月日與夫生娶而已也

絕有功

韓曰貞元十六年五月建封卒上以兼為濠州留後建封之疾亞也兼陰圖代之自州疾駟至

府幕僚李藩與同列入問疾封疾出見之位曰僕射疾危如此公宜在州防遏今棄州來此欲何為宜速去不

然當奏兼

加御史中丞賜紫衣金魚兵甲三千人入為

刑部郎中

一作刑部尚書
孫曰元和中拜

以能官拜蘇州刺史既辭行

上書曰李錡且反

錡其綺切
又魚倚切

必且奏族臣上固愛其才

書奏即除吏部郎

一有中
字

遂為給事中出為商州刺史金

商防禦使改河南少尹行大尹事半歲拜大尹元和四

年十一月二十二日無疾暴薨年六十明年二月甲午

從葬懷州夫人常山郡君張氏彭州刺史贈禮部侍郎

既之女

既音

生子男三人柔立為天長主簿詞立為壽

州參軍誼立為順宗挽郎女一人將葬公之母兄太學

博士冀與公之夫人及子男女謀曰葬宜有銘凡與我弟游而有文章者誰乎遂來請銘銘曰

杜氏大家世有顯人承繼綿綿以及公身始為進士乃篤朋友及作大官克施克守纂辭奮筆渙若不思公牒盈前笑語指麾祿以給求食以會同不畜不收庫廩虛空事在于人在于一日遠日忘何以傳之刻此銘章作不在

唐故銀青光祿大夫左散騎常侍致仕陽平路

公神道碑文

韓曰按石本其首云朝議郎守國子博士上
騎都尉韓愈撰銀青光祿大夫守吏部尚書
上柱國榮陽縣開國侯鄭餘慶書將仕郎右
拾遺內供奉賜緋魚袋陳岵篆額其後云元
和七年歲次壬辰十月丙子朔十五日庚寅
建云此可以補刊本之闕字有異同今附于
下。一本題云陽
平路公神道碑文

惟路氏遠有世序

石本世並
作代下同

自隋尚書兵部侍郎諱充

一作充石
本作袞

四世而至異公

韓曰充封聞鄉公充子文昇
平愛秦三州刺史封宜城縣

公昇子元愬榆次令
元愬子大一太原令

異公諱嗣恭以小邑蕭關令

一有
問字

發聞開元受錫更名

樊曰嗣恭其初名劍客以世蔭為
鄴尉席豫黜陟河朔表為蕭關令

徙神烏姑臧二縣考績上上為天下最玄宗以為書于
可嗣漢魯恭因賜今名字懿範。石本錫作賜

太史治行靈州

韓曰永泰元年閏十月嗣恭由戶部侍郎為朔方節度使嗣恭披荆棘立軍府

軍令大行。石本治作始字

終功南邦

樊曰大曆七年正月以嗣恭為江西觀察使八年九月循

州刺史哥舒晃反殺嶺南節度使呂崇貴十月以嗣恭兼嶺南節度徃征之十一月克廣州斬晃

享有

丕社紹開厥家官至兵部尚書封異國公

補注以南嶺南功轉檢校

兵部尚書堯贈尚書右僕射

補注建初中卒

公諱應字從衆

石本公作司空

異公之嫡子

補注嗣恭二子怨應

用大臣子謹飭擢至侍御史著

作郎遷虔州

孫曰貞元初以應為虔州刺史詔嗣父封。石本遷作選割隸雩都作

縣安遠

孫曰貞元四年八月應分雩都縣置安遠縣。石本錄作餘。

以利民屬

石本並

作人鑿敗灘石

灘一作

以平贛梗

孫曰贛虔州水名應鑿其梗險以通舟道祝曰

贛縣名屬豫章章貢二水合流因其處立縣

陶甃而城

祝曰甃瓦甃也詩

罷民屢築詔嗣異封又加尚書屯田

郎中進服色

樊曰李泌為相言於上曰臣曩為元載所嫉謫江西嗣恭與載厚臣常畏之曾與其

子應並駟馬齧其脰臣皇恐不自安應闕不言勉起見父臣嘗愧其長者帝即日加應檢校屯田郎中加金紫

遂臨于温築堤岳城橫陽界中二邑得上田

一作苗

除水

害拜尚書兵部郎中兼御史中丞淮南軍司馬改刺廬

州又甃其城民不歲苦入為尚書職方郎中兼御史中

丞佐鹽鐵使使江東有功用半歲歷常州遷至宣歙池

觀察使進封襄陽郡王

孫曰永貞元年十二月自常州除觀察使。王一作公或無王

字

至則出倉米下其估半以廩餓人蜀劉闢誅行軍千

五百人於蜀李錡將反以聞

補注元和二年十月錡据潤州反

置鄉兵

萬二千人錡反命將期以卒救湖常坐牢江東心

石本作

至錡以無助敗縛

樊曰應發鄉兵救湖常二州以故錡不能拔。石本無縛字

作響

山亭營軍于左右權丞相善之鏡其說響山石

祝曰響山宣州

山名元和二年十月亭成三年五月權
德輿為記其事鏡刻也。鏡鋤街切。居宣五年以疾

去位

孫曰元和五年以右庶子盧坦代為觀察使

校其倉得石者五十萬餘

府得錢千者八十萬公之為州逢水旱喜賤出與民歲

熟以其得收常有贏利

贏一作餘

故在所民不病飢而官府

畜積元和六年天子憫公疾不可煩以職即其處拜左

散騎常侍以其祿居

一有

歲九月望薨于東都正平里

第年六十七明年葬京兆萬年少陵原夫人滎陽鄭氏

祔既而其子臨漢縣男貫與其弟賞貞謀曰宜有刻也

告於叔父御史大夫鄜坊丹延觀察使恕

孫曰元和三年以左金吾

大將軍路恕為鄜坊丹延節度使

因其族弟進士羣以來請銘遂以其

事銘曰

冀公之封維艱就功襄陽繼大啓慶自躬于虔洎温厥緒既作以及職方遂都邦伯朝夕民事下完上實師于

其鄉

祝曰謂在宣州置鄉兵

鄰寇逼屈營軍響山牆屋修施褒功

刻表

石本功作嘉

丞相之辭受代而家叙䟽及邇病不能廷

食祿卒齒凡世大家維艱其保既顯既碩

石本作願

戒于終

咎伊我襄陽克慎以有延畀後丞石本莫不率守有墓

于原維樹有經石本作以告無期博士是銘韓曰公時

士一作傳世是銘

烏氏廟碑銘

韓曰烏重胤之父也許
孟容亦為作神道碑

元和五年天子曰盧從史始立議用師於恒樊曰元和

成德節度使王士真卒其子承宗自為留後上欲革河
北世襲之弊從史時為昭義節度使遭父喪因左軍中
尉吐突承瓘說上請發本軍討承宗由是復起從史委
其成功十月詔削奪承宗官爵以承瓘為招討宣慰使

命恒州四面藩鎮各進兵共討乃陰與寇連夸謾兇驕出不遜言其執

以來

樊曰從史首建伐承宗之謀及朝廷興師從史逗

諷朝廷求平章事上患之承瓘將神策兵與之對壘從史往往過其營博戲宰相裴珣言於上曰從史必且為

亂今聞其與承瓘對壘視承瓘如嬰兒往來殊不設備今失不取後難圖也上許之其四月中貴

人承瓘

七罪切

即誘而縛之其下皆甲以出操兵趨譁牙

門都將烏公重胤當軍門叱曰天子有命從者有賞敢

違者斬於是士皆斂兵還營卒致從史京師

孫曰從史性貪承瓘

盛陳奇玩視其所欲以遺之從史益喜相狎昵元和五年四月承瓘與行營兵馬使李聽謀召從史博伏壯士

幕下突出擒縛之內車中馳詣京師從史營中士卒皆
甲以出操兵趨諱重盾當軍門叱之皆斂兵還部伍會
夜車疾駢未
明已出境 壬辰詔用烏公為銀青光祿大夫河陽軍

節度使兼御史大夫封張掖郡開國公

韓曰重盾自昭義都知兵馬使

路州左司馬拜銀青光祿大夫懷州刺史河陽三城懷州節度使兼御史大夫

居三年河陽稱

治詔贈其父工部尚書且曰以其廟享

其下一有師字

即以其

年營廟于京師崇化里軍佐竊議曰先公既位常伯

補注

謂工部尚書也

而先夫人無加命號名差卑於配不宜語聞詔

贈先夫人劉氏沛國太夫人八年八月廟成三室同宇

祀宇一自左領府君而下作主于第乙巳升于廟烏氏

著于春秋譜於世本劉曰世本十五卷錄黃帝以來帝王諸侯伯卿大夫系氏名號列

于姓苑在莒者存劉曰昭二十三年左氏莒子庚與虐而好劍烏存率國人逐之在齊

者有餘有枝鳴皆為大夫劉曰襄二十四年左氏齊人城邾之歲其夏齊烏餘以廩

丘奔晉昭二十一年冬十月齊烏枝鳴者為大夫秦有獲為大

官劉曰史記秦武王時力其後世之江南者家鄱陽處

北者家張掖樊曰烏氏後魏烏洛侯之裔國邑在漢東二千餘里正觀初貢獻內屬代為功臣因

官徙地今或入夷狄為君長唐初察為左武衛大將軍

實張掖人其子曰令望為左領軍衛大將軍孫曰蒙為

中郎將是生贈尚書諱承洽字某

樊曰新傳云名承玘字德潤廟碑云諱承

洽疑刊寫者誤當作承玘據溫公考異以新傳為正。玘音此

烏氏自莒齊秦大夫以

來皆以材力顯及武德已來始以武功為名將家開元

中尚書管平盧先鋒軍屢破奚契丹

樊曰北狄有五一契丹二奚三室韋

四黑水五渤海從戰捺祿

捺奴葛切

走可突干

樊曰開元十八年契丹相可突干弑其主

邵固因寇平盧軍承玘為平盧先鋒使破之於捺祿山

一本作走可汗于讀連下文渤海上為一句非是

渤海上至馬都山吏民逃徙失業

樊曰或謂破走可汗于渤海上追之至馬

都山吏民逃徙失業蓋因可突于入寇而然止是一事
今按許孟容作烏承玘神道碑云渤海王武藝出海濱

至馬都山屠陷城邑公以本營士馬防遏要害則是捺
祿走可突干而馬都山拒武藝二事不同或者之論過

矣新史据孟容神道碑及公廟碑而作司馬温
公考異以新史為誤恐考異未見孟容碑刻耳尚書領

所部兵塞其道壑原累石累一作壘綿四百里深高皆三丈

寇不得進民還其居歲罷運錢三千餘萬黑水室韋祝曰

黑水室韋二國以騎五千來屬麾下邊威益張其後與
名黑水即靺鞨

耿仁智謀說史思明降孫曰至德二載安慶緒兵敗走

思明歸唐思明然之以所部十三郡及兵八萬
來降十二月以思明為歸義王范陽節度使
思明復

叛一無上句降字尚書與兄承恩謀殺之事發族夷尚書

獨走免李光弼以聞詔拜冠軍將軍守右威衛將軍檢

校殿中監封昌化郡王左領軍使

孫曰思明既降李光弼以思明終當叛亂

而承玘兄承恩為思明所親信陰使圖之諸將以白思

明思明未察會承恩入京師上使內侍李思敬與之俱

至范陽思明館承恩相府中惟其牀伏二人於牀下夜

中承恩密謂其子曰吾受命除此逆胡當以吾為節度

使二人於牀下大呼而出乾元元年六月思明榜殺承

恩連坐者二百餘人承玘奔太原光弼表為昌化郡王

充石嶺軍使一作石嶺積粟厲兵出入耕戰以疾去職貞元十

一年二月丁巳薨于華陰告平里年若干即葬于其地

二子大夫為長

補注大
夫重裔

季曰重元為某官銘曰

烏氏在唐有家于初左武左領二祖紹居中郎少卑屬

于尚書不償其勞乃相大夫授我戎節制有疆墟

制有
一作

有其備禮登壇以有宗廟作廟天都以致其孝右祖左孫

爰享其報云誰無子孰其無孫克對無羞乃惟有人念
昔平盧為艱為瘁大夫承之危不棄義四方其平士有
迨息來覲來齋以饋黍稷

唐故河東節度觀察使滎陽鄭公神道碑文

一本上無唐字
一本下無文字

河東節度使贈尚書右僕射鄭公葬在滎陽索上

祝曰今鄭

州滎陽有索水即漢高帝與項羽戰於京索者也

元和八年六月庚子

六一作三

太

史尚書比部郎中護軍韓愈刻其墓碑曰司馬氏遷江

南有鄭諮者仕慕容垂國為其太子少保

韓曰諮字君明魏將作大

匠五世孫仕垂為太常少卿

其孫簡

補注諮子溫燕太子詹事生三子暉號北祖恬號中祖簡號南

祖當拓拔魏為滎陽太守後簡者號其族為南祖之鄭

入唐有為利之景谷令者曰嘉範

補注簡生季騶騶子

於公為曾祖是生撫俗為泗之徐城令徐城生公之父

曰洪卒官涼州戶曹參軍

州一作

公諱儋

丁談切

少依母家

隴西李氏舉止異凡兒其舅吏部侍郎李卿曰必其能

再立鄭氏

李一作李曰必其一作謂其必

稍長能自謀學明左氏春秋

以進士選為太原參軍事

樊曰大歷四年登第

對直言策

孫曰建中三年

中軍謀

越衆科拜京兆高陵尉考府之進士能第上下以實不

姦樊僕射澤以襄陽兵戰淮西公以參謀留府能任後

事

孫曰興元元年正月以樊澤為山南東道節度使澤奏儋為參軍貞元二年二月澤與淮西李希烈將杜

文朝戰破之

戶曹殞于涼涼地入西戎

孫曰至德後河西州縣皆為吐蕃所陷

自景谷徐城三世皆未還榮陽葬公解官舉五喪為三

墓葬索東徐城墓無表公能使幼長感心求不置

一作

來求二字以得舊人指告其處其後為大理丞太常博士遷

起居郎尚書司封吏部二郎中能官舉其名德宗晚節

儲將於其軍以公為河東軍司馬能以無心處嫌間

嫌間

一作卒用有就

一無貞元十六年將說死即詔授司馬

節節度河東軍

樊曰考之史說蓋李說也字嚴甫馬燧節度太原辟為少尹遷汾州刺史李自良

代燧復為少尹自良卒詔授說行軍司馬節度留後尋
權檢校禮部尚書節度使而嚴綬傳云河東節度李說
病軍司馬鄭僊摠其政說卒代為節度時德宗姑息方
鎮若帥死即用軍司馬代之至是擢綬為河東司馬明
年僊卒即檢校工部尚書代其使除其官為工部尚書太原尹兼御史

大夫北都留守

孫曰貞元十六年十月河東節度使李說卒僊自本軍行軍司馬除檢校工部

尚書充太原尹北都留守河東節度使

公之為司馬用寬廉平正得吏士

心及升大帥

一作師

持是道不變部將有因貴人求要職

者公不用用老而有功無勢而遠者削四隣之交賄省

誇嬉之大燕

誇一作姁

講校民事施罷不俟日用能以十月

成政氓征就寬

氓一作民
又一作賦

軍給以饒十七年疾廢朝夕

八月庚戌薨享年六十一天子為之不臨朝者三日贈

尚書右僕射即以其年十月辛卯葬索上疾比薨暨問

交道比葬弔贈賜使者相及凡河東之軍士與太原之

吏民及旁九郡

補注河東節度府管汾遼
沁嵐石忻代憲凡九州

百邑之鰥寡

外夷狄之統於府者聞公之薨皆哭曰吾其如何公與

賓客朋遊

與一作
為

飲酒必極醉投壺博奕窮日夜若樂而

不厭者平居簾閣據几終日不知有人別自號白雲翁

名人魁士

祝曰呂氏春秋云疾學而不能為魁士名人者未之有也

鮮不與善好樂

後進及門接引皆有恩意始娶范陽盧氏女生仁本仁

約仁載皆有文行二季舉進士皆早死仁本為後子獨

存不樂舉選年三十餘始佐河陽軍後娶趙郡李氏生

三女

三或作二

二夫人凡三男五女長女嫁遼東李繁繁亦

名臣子

韓曰繁遼東襄平人德宗宰相泌之子

有才學遺命二夫人各別

為墓不合葬系曰

士常患勢卑不能推功德及人嘗患勢貧無以奉所欲

得若鄭公者勤一生以得其位而曾不得須臾有焉雖
然觀其所既立其可知已嗚呼哀哉

魏博節度觀察使沂國公先廟碑銘 并序

朝議郎守尚書比部郎中史館修撰護軍韓

愈奉敕撰

歐陽公曰自天聖以來學者多讀韓文而
惠集本舛訛惟予家本更校時人共傳號
為善本及後集錄古文得韓文之刻石如
羅池黃陵廟碑之類以校予家集本舛謬
猶多若田弘正碑則尤甚蓋由諸本不同
往往妄加改易今以碑校印本初未必誤

多為校讐者妄改易之乃知文字之傳久而轉失其真者多矣則校讐之際決於取舍不可不謹也今各參注于下韓曰石刻後題云朝議大夫安定胡証書并篆額京

兆府廡
有此碑

元和八年十一月壬子上命丞相元衡

補注元和八年三月武元衡相

相吉甫

補注元和六年正月李吉甫相

丞相絳

補注元和七年二月李絳相

召太史

尚書比部郎中韓愈

補注元和八年正月公除此官

至政事堂傳詔曰

田弘正始有廟京師朕惟弘正先祖父厥心靡不嚮帝

室訖不得施乃以教付厥子惟弘正銜訓嗣事

銜或作方石本

嗣事一
作事嗣

乃朝夕不怠

乃一作干又一作耐石本無乃字

以能迎天之休

顯有不功維父子繼忠孝

樊曰弘正父廷玠大歷中為滄州刺史橫海軍使恒州李

寶臣幽州朱滔聯兵攻擊欲兼其土宇廷玠固守卒能保全朝廷嘉之遷洛州改湘州建中初田悅領魏博節

度使志圖凶逆召廷玠為副蓋悅父承嗣與廷玠為從昆弟也及悅姦謀敗露廷玠曰爾藉伯父遺業可守朝

廷法度坐享富貴何苦與恒鄆同為叛臣若狂志不悛可先殺我乃謝病不出三年憤鬱而卒予維寵

嘉之是以命汝愈銘欽哉惟時臣愈承命悸恐明日詣

東上閣門拜疏辭謝不報退伏念昔者魯僖公能遵其

祖伯禽之烈周天子實命其史臣克

石本臣下有曰字

作為駟

駉泮閔之詩

駉古熒切
皮筆切

使聲于其廟以假魯靈今天子

嘉田侯能服父訓不違用康靜我國家

石本靜
作靖

蓋寵銘

之所以休寧田氏之祖考而臣適執筆隸太史奉明命
其可以辭謹按魏博節度使銀青光祿大夫檢校工部

尚書兼魏博大都督府長史御史大夫沂國公田弘正

孫曰元和七年十月以弘正為銀青光祿大夫檢校工
部尚書魏州大督府長史兼御史大夫上柱國沂國公

充魏博等州節度觀察處置
支度營田等使弘正字安道北平盧龍人一有也字故為魏

博諸將

孫曰弘正始名興季安時為衙內
兵馬使。石本博作州宅本作沂

忠孝畏慎田

季安卒

孫曰季安高祖環平州人官都水使者環二子守義延憚延憚安東都護府司馬守義二子承

嗣廷琳承嗣子緒緒子季安季安子懷諫廷琳子悅延憚子廷玠元和七年八月季安卒其子幼弱

用故事代父人吏不附迎弘正於其家使領軍事

樊曰季安

卒懷諫自知軍務時年十一以弘正為都知兵馬使懷諫幼弱軍政皆決於家僮蔣士則數以愛憎移易諸將

諸將憤怒咸曰兵馬使吾帥也即詣其家迎之弘正拒之不可弘正籍其軍之衆與六

州之人還之朝廷悉除河北故事比諸州

樊曰弘正度不免即令於

軍曰能聽命否皆曰唯公命因曰吾欲守天子法舉六州版籍請吏于朝荀天子未命敢有請吾旂節者死殺人及掠人者死皆曰諾遂到府殺士則圖魏博相衛貝瀆之地籍其人以獻不敢署僚屬以待王官十月監軍

以聞憲宗嘉之詔檢校工部尚書充節度使。石本州作軍

故得用為帥已而復贈

其父故滄州刺史兵部尚書母夫人鄭氏梁國太夫人

得立廟祭三代曾祖都水使者府君祭初室祖安東司

馬贈襄州刺史府君祭二室兵部府君祭東室其銘曰

唐繼古帝海外受制洽于太寧

石本洽作狎

燕盜以驚羣黨

相維河北失平號登元和大聖載營風揮日舒咸順指

令業業魏土

祝曰業業山高也選狀
崑莪以友業○業音業

嬰兒戲兵

補注嬰兒謂懷

諫吏戎愁毒莫保腰領

石本作頸

人曰田侯其德可倚叫譟

奔趨乘門請起田侯攝事奉我王明

石本作天明
舊本作文明

束縛

弓戈考校度程堤壇籍戶

祝曰壇界也與疆同史記
出壇乃免○石本堤作提

來

復邦經帝欽良臣曰維錫予嗟我六州始復故初告慶

宗廟

石本宗廟
作于宗

降以命書

石本降以
作以降

旌節有韜豹尾神

旗橐兜戟纛以長魏師田侯稽首臣愚不肖迨茲有成

祖考之教帝曰俞哉維汝忠孝予思乃父追秩夏卿

孫曰

詔贈其父

媿德娠賢梁國是榮

祝曰媿配也言梁國配
兵部之德娠孕也左氏

后緡方娠娠賢謂生田弘正也

媿匹詣切娠之刃切又音身田侯作廟相方視址見

于著龜祖考咸喜暨暨田侯

祝曰暨暨果毅也禮兩有戎容暨暨。暨音忌

文武訖其外庸可作丞輔

孫曰訖其外庸謂外庸之訖則當入為輔相。石本丞一

作承咨汝田侯勿亟勿遲覲嚮式時

石本嚮作饗爾祖之思

爾祖作祖考它本之字作尔

五百家註昌黎文集卷二十六

謹案卷二十五第五頁後八行錡適敗縛刊本脫
適字據東雅堂本增

第十二頁後一行且以為公名才能臣刊本且訛
是據東雅堂本改

第十四頁前五行注而此云累官至吏部尚書刊
本吏訛戶據文義改

卷二十六第二頁前八行注便行降黜及戡除詔
下刊本黜訛點又闕除字並據文義改補

第九頁前一行注鏡鋤銜切刊本銜訛江據字書

改

第十頁前四行烏氏廟碑銘刊本氏訛石據考異
及東雅堂改

第十三頁前一行與兄承恩刊本脫恩字據考異
及東雅堂增

第十七頁後四行元和八年十一月刊本脫一字
據東雅堂及天德堂本增

第二十頁前四行注石本宗廟作于宗刊本脫本
字又宗廟訛門內據考異及東雅堂改

第二十頁前六行追秩夏卿刊本追訛作據東雅
堂本及文義改





總校官庶吉士臣侍朝

校對官庶吉士臣陳文樞

膳錄監生臣魏綿曾

膳錄監生臣沈元錡

欽定四庫全書薈要

集部

五百家註昌黎文集卷二十九

七至

詳校官助教臣常循



五百家註昌黎文集卷二十七 宋 魏仲舉 編

碑銘

唐故檢校尚書左僕射兼御史大夫龍武統軍
贈潞州大都督彭城劉公墓碑

韓曰公嘗誌統軍劉昌裔墓矣今又銘其碑
○一本作唐故右龍武統軍劉公墓碑銘今
本止作劉
統軍墓碑

唐故陳許節度使金紫光祿大夫檢校尚書左僕射兼

御史大夫右龍武統軍彭城郡開國公食邑二千戶贈

潞州大都督劉公諱昌裔字光後薨既葬

樊曰元和八年十一月昌

裔卒九年九月葬河南

將反柩於京師

柩一作柩非

舍于墓次故吏文

武士門人送客訖事會哭將退咸顧戀牽連一口言曰

自我公薨至葬凡所以較德焯勤者

焯明也之藥切。一作悼一作卓

莫不粗完隱卒崇終有都督之詔

韓曰昌裔卒有詔贈潞州大都督日

事時功以著不可以誣有太史之狀有太常之狀有謚

補注昌裔諡威公

有誄有幽堂之銘

補注即公所撰昌裔墓誌

又如即外碑

刻文以顯詩之其於傳亦已豈不益可保於是相許諾

以告其孤縱

孫曰昌裔四子縱其長也

縱哭舍杖拜曰縱不敢違則

相與刻銘文曰

劉處彭城本自楚元

樊曰漢高帝季弟楚元王交之後

陽曲之別由公

祖遷

樊曰昌裔曾祖承慶為朔州刺史祖巨敖為太原晉陽令樂其土俗遂占籍太原之陽曲曰自我為此邑

人可也何必彭城

公曾祖考為朔州守祖令太原仍世北邊樂

其高寒棄楚不還逮於公身三世晉人公生而異魁顏

鉅鼻幼如舒退少長好事西戎乘勢盜有河外公雖家

居為國暗噫

上於金切
下烏界切

來告邊師可破之計

孫曰昌裔既
壯自試以開

吐蕃說于楊琳為橫巴蜀靡彫公由游寄單船諭招折其

尾毒不得動搖琳後來降公不有功終琳之已還卧民里

孫曰昌裔說邊將不售去入三蜀楊琳之亂蜀人苦之昌裔單船往說琳大歷四年二月琳遣使詣闕謝罪以琳為峽州團練使以昌裔為從事後琳死客河朔間蓋古有云人職其憂無事於職而

與國謀德宗之始為曲環起奮筆為檄強寇氣死

樊曰建
中初曲

環為邠隴兩軍都知兵馬使其收濮州也辟昌裔為判官為環檄李納劉曉大義環上其藁德宗異之

決敗

算成効於屈指環有許師公遂佐之

孫曰貞元二年七月
環自邠隴行營節度

拜陳許節度使
昌裔從府還

蘇民戰敵

戰一作軋

多出公畫累拜郎中進

兼中丞

韓曰昌裔在府以前後功勞累遷檢校兵部郎中御史中丞

雖在陪貳天子

所憑蔡卒幸喪圍我許鄂新師不牢勛勳將逋

集注勳勳急走

貌又遽也。勳曲羊切勳如羊切

公為陳力應變為械與之上下寇無所

賴曾子開云遂至遁敗

孫曰貞元十五年八月環卒淮西吳少誠遣兵掠臨潁陳州刺史上

官說知陳許留後遣大將王令忠將兵救之皆為少誠所虜丙午以說為陳許節度使少誠遂圍許州說欲棄城走

昌裔時為營田副使止之曰城中兵足以辦賊但閉城勿戰賊氣自衰吾以全制其敵蔑不克矣少誠晝夜急攻昌

裔募勇士千人鑿城出擊大破之城由是全

以功遷陳實許之半

韓曰許州圍解昌裔以功

拜陳州刺史 聲駕元侯以勢自憚 孫曰貞元十六年七月少誠 進擊蔡州行營招討使韓全

義敗于澱水與諸道兵皆走保陳州求舍昌裔登城謂曰天子命公討蔡州何為來陳且賊不敢至我城下君

其舍外無恐明日從十餘騎持牛酒抵全義營勞軍全義不自意迎拜歎服 復入居許為軍

司馬 孫曰貞元十八年以昌裔為陳許行軍司馬 脫權下威士心益歸卒嗣

環職 孫曰貞元十九年六月說卒以昌裔檢校工部尚書兼許州刺史充陳許節度使 棄惡從

德乃與蔡通塗其榛棘 祝曰昌裔命境上吏不得犯蔡人少誠吏有來犯者捕得縛送

使自治之少誠慚其軍亦禁竟上暴許者 稚羞嬉遨連手歌謳上無可怨外

無與讐既長事官 孫曰事合作士士官工部謂為工部尚書 浚之大夫 孫曰浚猶

遷也。謂拜金紫光祿大夫。浚一作峻。

其償未塞。

償一作賞。

僕射已都。

孫曰封彭城郡。

公再加檢校尚書右僕射。

及癸巳歲秋，涌水出流過其部，破民廬室。

孫曰：元和八年五月，許州大水壞廬舍，漂溺居人。六月，徵昌裔還京師。

公即疏言此皆臣

憊，憊與懲同。

防斷不補，漬民於泉，臣耄且疾，宜即大罰。上曰：

「菑害大臣，其來允余之思，其可止哉！」驛隸走呼，有中使

來，公迎于驛，遂行不迴。六月，隆熱，上下敲輶。

祝曰：輶大赤楚詞北。

有寒山卓龍輶，只注輶赤色。輶許極切。敲一作敲。

公鞭公驅去馬，以輿公病日

惡，不能造闕，仆卧在宅。

祝曰：始憲宗惡昌裔自立，欲召之宰相李吉甫曰：陛下乘人愁。

苦可召也六月以東都留守韓臯代之詔昌裔還
京師至長樂驛知帝意因請歸私第許之稱風眩
閔有

加錫

作嘉

命為統軍龍武之右兼官左相百僚長首

祝

昌裔至天子以為恭即其家拜檢校
尚書左僕射兼右龍武統軍知軍事

冬十一月日將南

至公遂薨殂年六十二奏聞怛悼俾官臨弔悲不聽朝

贈督潞州

孫曰元和八年昌裔卒上罷朝一日贈官

存歿賚之於數為優明

年九月東葬金谷

補注金谷在洛陽

公往有命匪後人卜

衡州徐偃王廟碑

洪曰徐偃王事見史記後漢書博物志元和
姓纂然後漢書云楚文王滅之楚詞亦云荆

文宿而徐亡按周穆王時無楚文王春秋時
無徐偃王子嘗辨於楚詞補注中韓曰石刻
云朝議郎守尚書考功郎中知制誥昌黎韓
愈撰福州刺史元錫書元和十年十二月九

立日

徐與秦俱出伯翳為嬴姓

韓曰按唐世系表云徐氏出自嬴姓皋陶生伯益伯益生

若木夏后氏封之於徐其地下邳僮縣是也伯益豈公
所謂伯翳耶孫曰史記秦本紀大業之子曰大費是為
柏翳舜賜姓嬴氏柏翳二子大廉之後為秦若
木之後為徐是為俱出伯翳也。嬴余輕切國於夏

殷周世咸有大功

孫曰秦本紀又曰大廉立孫孟戲中
行殷帝太戊以為御而妻之自太戊

以下中行之世遂世有功以佐殷國故嬴姓多顯遂為
諸侯若木立孫費昌當夏桀之時去夏歸商為殷御以

敗桀於鳴條

秦處西偏專用武勝

孫曰中行曾孫曰戎胥軒軒生仲滴滴生

飛廉飛廉生惡來來生女防防生旁皐皐生大几几生大駱駱生非子周孝王以為附庸邑之於秦是為處西

偏也西偏迫近戎狄故專用武勝

遭世衰無明天子遂虎吞諸國為雄

補注謂吞滅六國也。國一作侯

諸國既皆入秦

國一作侯為臣屬秦無所

取利上下相賊害卒債其國而沈其宗

祝曰債猶亡也爾雅云債債也

莊子一債一起沈其宗謂滅其族。債方運切又甫運切

徐處得地中

補注徐故國今彭城是也

文德為治及偃王誕當國益除去刑爭末事凡所以君

國子民待四方一出於仁義

韓曰若木至偃王三十二世樊曰張華博物志云徐

君宮人孕而生卵以為不祥棄之獨孤母以為異當此
覆暖之遂成兒長而仁智靜君徐國仁義著聞

之時周天子穆王無道意不在天下

孫曰穆王名滿昭十二年左氏云穆

王欲肆其心周行天下好道士說得八龍騎之西遊祝
將皆必有車轍馬跡焉

八龍八駿也列子曰周穆王駕八駿之乘西征崑
崙八駿驂騮綠耳赤冀白羲渠黃踰輪盜驪山子同王

母宴于瑤池之上

石本無宴字

歌謳忘歸

孫曰穆天子傳云穆王見西王母觴

于瑤池之上母為天子謠曰白雲在天山陵自出道里
悠遠山川間之將子無死尚能一來天子答曰予歸東

土和理諸夏萬民均平吾願見汝比及三年將復而野

四方諸侯之爭辯者無所

質正咸賓祭于徐贄玉帛死生之物

程曰贄執以為贄也書曰五玉三帛

二生一 死贄 于徐之庭者三十六國得朱弓赤矢之瑞樊曰博物

志云偃王既治其國仁義著聞欲舟行上國乃通溝陳蔡之間得朱弓赤矢以為得天瑞遂因名為弓自稱偃

王江淮諸侯服從者三十六國。朱弓一作象犀 穆王聞之恐遂稱受命造

父御孫曰造父穆王御蜚廉玄孫也。造七到切父音甫長驅而歸樊曰史記秦本紀造父以

善御幸于周穆王得驥溫驪驊騮綠耳之駒西巡狩樂而忘歸徐偃王作亂造父為穆王御長驅歸周救亂趙

世家云造父取驥之乘匹與桃林盜驥驊騮耳獻之穆王王使造父御西巡狩見西王母樂而忘歸而徐偃

王反穆王日馳千里與楚連謀伐徐樊曰以史記世系表考之穆王所與

連謀伐徐者徐不忍鬪其民北走彭城武原山下百姓殆楚熊勝也

隨而從之萬有餘家

樊曰穆王聞徐得朱弓赤夫之瑞遣使乘駟一月至楚使楚伐之偃

王不忍鬪其民為楚所敗走彭城武原東山下百姓隨之者萬數

偃王死民號其山為

徐山鑿石為室以祠偃王

樊曰博物志云偃王死後遂名其山曰徐山山上立石室

以祠偃王雖走失國

石本作失其國

民戴其嗣為君如初

祝曰偃王既死

周復封其子宗為徐駒王

孫曰禮記曰邾婁考公之喪徐君使容居來弔含曰先君

駒王西討駒章禹

樊曰昭三十二年左氏吳滅徐徐子章禹斷其髮以奔楚章禹宗十一世

孫祖孫相望自秦至今

秦一作奉名公巨人繼迹史書徐氏

十望其九皆本於偃王

孫曰言其一望非偃王之後也

而秦後迄茲無

聞家天於柏翳之緒非偏有厚薄施仁與暴之報自然

異也衢州故會稽太末也

孫曰太末春秋時姑蔑也至漢改焉唐號曰龍丘祝曰越

絕書姑末今太末後漢吳有龍邱長者隱居太末。太音闕

民多姓徐氏支縣龍丘

有偃王遺廟或曰偃王之逃戰不之彭城之越城之隅

棄玉几研于會稽之水

祝曰選綠苔髮髻乎研上南越志生研石土注研與硯同或

曰徐子章禹既執於吳徐之宗

石本宗作公字

族弟子散之徐

揚二州間即其居立先王廟云開元初徐姓二人

孫曰徐堅

字元固徐嶠字巨山

相屬為刺史帥其部之同姓改作廟屋載事

于碑後九十年當元和九年而徐氏放復為刺史放字

達夫前碑所謂今戶部侍郎其大父也春行視農至于

龍丘有事于廟思惟本原曰故制楠樸下窄

石本楠作楠。楠倉

胡切不足以揭虔妥靈

祝曰妥安也。揭音羯又桀竭二音

而又梁楠赤白

韓曰赤白畫繪之色。楠一作楠

彫剝不治

祝曰選期不弛彫彫壞落也。彫池耳切又徒可切

圖像之威黜昧就滅

祝曰黜深黑也許既切

藩拔級夷

補注級層級夷

也平庭木禿缺

石本作缺

祈眊日慢

石本日作由

祥慶弗下州之支

郡

一作羣黎一作羣吏石本作羣支

不獲廕麻余惟遺紹而尸其土不

即不圖以有資聚罰其可辭乃命因故為新衆工齊事

惟月若日工告訖功大祠于廟宗御咸序應

石本御作卿

是

歲無怪風劇雨民不夭厲穀果完實民皆曰耿耿社哉

補注耿耿明貌一無社字一無耿耿二字

其不可誣乃相與請辭京師歸而

鏡之于石辭曰

秦傑以顛

祝曰傑謂雄傑也顛覆也

徐由遜綿

祝曰遜謂柔順也一作遜非

秦鬼

久飢徐有廟存婉婉偃王

補注婉順也於阮切

惟道之耽以國易

仁為笑于頑自初擅命其實幾姓厯短言長

石本言作嘗

有

不償亡課其利害孰與王當

石本與作嘗
別本作為

姑蔑之墟

曰樊

今衢州有姑蔑城左傳哀公十三年越伐吳王孫彌庸
自泓上觀之見姑蔑之旗曰吾父之旗也杜預注姑蔑

越地太末之里誰思王恩立廟以祀王之聞孫

一作後孫

世世

多有

世世一作世世乃

唯臨茲邦廟土實守堅嶠之後達夫廓之

王沒萬年如始祔時

補注祔合葬也

王孫多孝世奉王廟達夫

之來先慎詔教盡惠廟民不主於神維是達夫知孝之

元太末之里姑蔑之城廟事時脩仁孝振聲宜寵其人

以及後生嗟嗟維王誰死誰亢

亢猶拒也協韻苦郎切石本死作古

王

死於仁彼以常喪

常一作暴

文追作誅刻示茫茫

石本示作石

袁氏先廟碑

韓曰袁滋履歷並詳本傳碑特舉其概耳

袁公滋既成廟明歲二月

歲一作年

自荆南以旌節朝京師

孫曰滋字德深蔡州郎山人陳侍中慮之後建中初黜陟使趙贊薦於朝起處士授試校書郎元和九年九月

除荆南節度使十年立廟于京師十一月二月自荆南來朝。旌一作旂留六日得壬子春

分孫曰元和十一年二月二十六日壬子春分

率宗親子屬用少牢于三室

補注少牢豕豕三室自曾祖以下也

既事退言曰嗚呼遠哉維世傳德

訓集余乃今有濟今祭既不薦金石音聲使工歌詩載

烈象容

祝曰為之歌詩所以載其功烈象其形容

其奚以飭雅味於長久唯

敬繫羊豕幸有石

孫曰即所謂麗牲之碑祭義云祭之日君牽牲入廟門麗于碑麗繫也

如具著先人名跡

著一作者

因為詩繫之語下於義其可雖

然余不敢必屬篤古而達於辭者遂以命愈愈謝非其

人不獲命則謹條表氏本所以出與其世系里居起周

歷漢魏晉拓拔魏周隋入國家已來高曾祖考所以劬

躬燾後

孫曰燾謂履燾其後人

委祉于公公之所以逢將承應者

有槩有詳而綴以詩曰

一本作其語曰一本作其詞曰

周封舜後為陳

孫曰襄二十五年左氏虞闕父為周陶正武王庸以元女太姬配胡公而封諸陳。封一作樹陳公子

有為大夫食國之地表鄉者其子孫世守不失因自別

為表氏

孫曰胡公生申公犀侯犀侯生靜伯庚伯庚生季子摛摛生仲牛甫甫生聖伯順順生伯他父

他父生戴伯戴伯生鄭叔鄭叔生仲尔金父金父生莊伯莊伯生諸諸字伯表諸孫濤塗以王父字為氏賜邑

陽夏謚為宣仲

春秋世陳嘗壓於楚與中國相加尤疏

加一作如表

氏猶班班可見於譜

孫曰宣仲生選選生申子突突生惠子雅雅生頗奔鄭

嘗居

陽夏

祝曰陳陽夏漢世淮陽國前漢發兵拒之陽夏注今亳州。夏音賈

陽夏至晉屬陳

郡

補注晉時陽夏屬梁國

故號陳郡袁氏博士固申儒遏黃

樊曰漢儒

轅固齊人

嘗太后好老子書召問固曰此家人言矣

太后怒曰安得司空城旦書乎韓曰轅固以治詩孝景

時為博士與黃生爭論景帝前黃生曰湯武非受命乃

弑固曰不然夫桀紂虐亂天下之心皆歸湯武湯武不

得已而立非

受命為何 唱業於前至司徒安懷德於身

樊曰安字邵公後漢

時人仕

袁氏遂大顯連世有人終漢連魏晉

舊本終

終司徒

分

仕南北始居華陰為拓拔魏鴻臚鴻臚諱恭生周梁州

刺史新縣孝侯諱頻

新縣一作新安縣頻一作穎

孝侯生隋左衛大

將軍諱溫

溫字君恪

去官居華陰武德九年以大耄薨始葬

華州左衛生南州刺史諱士政南州生當陽令諱倫
於公為曾祖當陽生朝散大夫石州司馬諱知立司馬
生贈工部尚書咸寧令諱曄是為皇考表氏舊族而當
陽以通經為儒位止縣令石州用春秋持身治事為州
司馬以終咸寧備學而貫以一文武隨用謀行功從出
入有立不爵于朝比三世宜達而室歸成後人數當于
公公唯曾大父皇考比三世比一作妣存不大夫食歿祭在
子孫唯將相能致備物世彌遠禮則益不及在慎德行

業治圖功載名以待上可一作下無細大無敢不敬畏無

蚤夜無敢不思成于家進于外以立于朝自侍御史歷

工部員外郎祠部郎中諫議大夫尚書右丞華州刺史

孫曰貞元十六年二月自尚書右丞出刺華州金吾大將軍樊曰貞元二十一年三月徵拜以楊

於陵代為華州滋行者老遮道不得去於陵使諭曰吾不敢易表公政人皆羅拜乃得行由卑而鉅

莫不官稱遂為宰相孫曰永貞元年七月同平章事以贊辯章孫曰辯章便章

也史記曰便章百姓即平章耳仍持節將蜀滑襄荆孫曰永貞元年十月以滋為西川節

度使元和元年十月徙義成軍節度八年正月自戶部尚書出為山南東道節度九年九月徙荆南節度蜀謂

西川滑謂義成襄謂
山南東道荆謂荆南

畧苞河山秩登祿富以有廟祀具

如其志又垂顯刻

垂一作誰
刻一作烈

以教無忘可謂大孝詩曰

袁自陳分初尚蹇連

連一作連

越秦造漢博士發論

博士

固司

徒任德忍不錮人

樊曰漢明帝時安為河南尹未嘗以
賊罪鞠人嘗曰凡學仕者高則望宰

相下則希牧守錮人
於聖世所不忍為

牧功厥後五公重尊

孫曰安章帝
時為司徒二

子京敞京子湯字仲河桓帝時太尉湯子逢字周陽靈
帝時司空逢弟隗字次陽獻帝時太傅京弟敞字叔平

安帝時司空凡
四世三公焉

晉氏于南來處華下鴻臚孝侯

補注鴻
臚恭孝

侯用適操捨南州勤治取最不懈

韓曰南州刺史士政
也最治行尤異也

最子當陽耽經唯義之畏石州烈烈學專春秋懿哉咸

寧不名一休趨難避成與時泛浮是生孝子天子之宰

出把將符

把一作持

羣州承楷

羣一作郡

數以立廟

數一作教

祿以備

器由曾及考同堂異置栢板松楹其筵肆肆

筵一作業或作章

維袁之廟孝孫之為順勢即宜

補注勢謂面勢

以諏以龜以平

其巖屋墻持持孝孫來身來拜廟庭陟堂進室親登

劔

一作鉞同音刑

肩膺胎骨

集注膺臂節也禮記其禮太牢則以牛左肩臂膺折九介儀禮臂膺

肫胎骨也儀禮兩胎脊肺設局鼎髀禽獸骨也四者皆所薦之羞。膺奴報切又女朱切胎音栢髀音格

其樽玄清補注謂玄酒清酒降登受胙于慶爾成維曾維祖維

考之施于汝孝嗣以報以祇凡我有今非本曷思刻詩

繫牲維以告之

唐故清河郡公房公墓碣銘

樊曰房啓之死及葬誌皆不載年月日啟以貞元末為容管帥在容九年遷桂管坐中使

事貶虔州死元和十年也

公諱啟字某河南人其大王父融王父瑄仍父子為宰

相融相天后孫曰武后長安四年十月以懷州長史房融平章事中宗神龍元年流高州事

遠不大傳瑄相玄宗肅宗處艱難中與道進退薨贈太

尉流聲于茲父乘

孫曰瑄三子宗偃御史中丞次乘幼孺復容州刺史

仕至祕書

少監贈太子詹事公胚胎前光

韓曰胚孕婦一月胎孕婦三月前光謂前人之

光。胚普回切胎他来切

生長食息不離典訓之內耳濡目染不學

以能始為鳳翔府參軍尚少人吏迎一有觀字望見咸曰真

房太尉家子孫也不敢弄以事轉同州澄城丞益自飾

理治一作

同官憚服衛晏使嶺南黜陟

樊曰建中元年二月遣黜陟使洪經

綸柳冕衛晏等一十人分行天下晏使嶺南

求佐得公擢摘良姦

樊曰謂良者擢之姦

者發摘之摘音迭南土大喜還遷昭應主簿裴胄領湖南表公

為佐

孫曰貞元三年閏五月以國子司業裴胄為湖南觀察使胄字允叔河東聞喜人

拜監察

御史部無遺事胄遷江西

孫曰貞元七年正月遷江西

又以節鎮江

陵

孫曰八年二月遷荆南

公一隨遷佐胄

一作為佐

累功進至刑部負

外郎賜五品服副胄使事為上介上聞其名徵拜虞部

負外

一有郎字

在省籍籍遷萬年令果辯傲絕

祝曰傲行險也古堯切與

同僥貞元末王叔文用事材公之為舉以為容州經略使

樊曰貞元二十一年五月以啓為容州刺史兼御史中丞容管經略使初啓素附王叔文叔文用事除容管約

至荆南授之既不得荆南即與湖南啓至荆南宿留不
進久之方行至湖南又久之會叔文與韋執誼爭權不
果拜七月太子監
國啓皇恐就鎮 拜御史中丞服佩視三品管有嶺外

十三州之地

補注容管所隸容辨由
牢欽巖禹湯漢古等州

林蠻洞蜒

祝曰蜒
當作蠻

南方夷也
○蠻音誕

守條死要

樊曰要約
誓也音邀

不相漁劫稅節賦時公

私有餘削衣貶食不立資遺以班親舊為友為義在容

九年遷領桂州

韓曰元和八年四月
以啓為桂管觀察使

封清河郡公食邑

三千戶中人使授命書應待失禮客主違言徵貳太僕

樊曰啓除桂州州郎賂吏部主者私得官告飛驛以授
啓既而憲宗自遣中使持詔賜啓啓畏使者邀重賂即

曰先五日已得詔使者始請視因未至貶虔州長史而持之歸以聞七月貶啓太僕少卿

坐使者

樊曰啓自陳獻使者南口十五帝怒殺中使啓未至京師貶虔州長史始詔五管福建黔中道

不得以口饋遺罷臘口等使孫曰九月戊午中官李建章坐受啓賂杖一百處死癸未貶啓虔州長史啓先賂建章口十五人既怨其發官告事乃具上言帝既殺建章并黜啓以疾卒官年五十九

其子越能輯父事無失謹謹致孝既葬碣墓請銘銘曰

房氏二相厥家以聞條葉被澤况公其孫公初為吏亦

以門庇佐使于南

補注謂佐衛晏

乃始已致既辦萬年

辦一作辦命

屏容服功緒卓殊氓獠循業

獠張紋切

惟不順遂

補注不順中使也

失署亡資非君之怨君一作公銘以著之

唐故銀青光祿大夫檢校左散騎常侍兼右金

吾衛大將軍贈工部尚書太原郡公神道碑文

并序

公諱用字師柔太原人

孫曰其先太原人後徙沂州

莊憲皇太后之

弟

韓曰順宗后弟

今天子之舅

樊曰憲宗舅

太師之子

孫曰用父曰子類生順宗

后后生憲宗憲宗元和元年贈太師

太尉之孫

孫曰用祖曰難得元和元年贈太尉

司徒之

曾孫

孫曰用曾祖曰思敬元和元年贈司徒

元和元年上朝太后南宮大

褒外氏自外高祖王父而下至外王父咸冊登公師事

載之史

孫曰元和元年五月憲宗朝太后於南宮尊太后為皇太后大褒外氏

皇太后昆

弟惟公一人

樊曰子頽二子重榮官至王傅次即用也

於是特拜

特一作時

銀青

光祿大夫太子少詹事未三月因遷大詹事賜勳上柱

國爵封郡公國于太原益掌廐苑之事公起外戚子弟

秩卑年少歲餘超居上班官尊職大朝夕兩官而能敬

讓以敏持以禮法不挾不矜賓接士大夫高下中度興

官嗜事

興一作與嗜一作著

滋久愈謹由是朝廷推賢所處號治

轉少府監太子賓客別職如初遷左散騎常侍兼右金

吾大將軍皆以選進不專為恩為于偽切專十一年秋

將以八月葬莊憲太后孫曰元和十一年三月前一月

壬申補注七月初八日以疾告薨春秋四十有七上罷朝二日

為位以哭贈工部尚書十一月壬申葬于萬年縣落女

原夫人河南胡氏號太原郡夫人有子六人孫曰其長曰沼女

子一人葬得日公之姊婚京兆尹李脩洪曰脩字當作脩孫曰脩子頽

之婿起自微賤由太后得進元和十年十月為京兆尹十一年十一月帥浙西見新傳謂太子右

庶子韓愈曰

孫曰元和十一年五月公為太子右庶子

子以文常銘賢公卿

常一作章

今不可以辭應曰諾而為銘曰

有嶠氏國實出炎軒

樊曰按史記軒轅黃帝娶西陵之
女曰螺祖為黃帝正妃生二子曰

元囂曰昌意元囂生嶠極孫曰晉語云少典娶于有嶠
氏生黃帝炎帝有嶠古之諸侯也○嶠音喬又音嶠

蜀塗莘摯

祝曰史記黃帝之子昌意娶蜀山氏之女生
高陽有聖德立為帝是為顓帝禹者黃帝之

玄孫顓帝之孫也娶塗山氏之女生啟禹卒啟立天下
不歸益而歸啟故書曰娶于塗山季歷娶太任有賢德

蓋摯國任氏之中女故詩曰摯仲氏任自彼殷商來嫁
于周曰嬪于京乃及王季維德之行王季卒子昌立是

為西伯西伯曰文王娶莘國之長女曰太姒亦有賢德能
繼太任之女事於莘國故詩曰有命自天命此文王于

周于京續女維莘長子維行篤生武王保佑命爾變伐
大商孫曰列女傳云湯妃有莘氏之女生仲壬外丙又
云太任文王之母摯任氏之中女王
季娶以為妃。摯音至莘一作華非
正妃之門孰豐其

川不羨其源王氏周冑

孫曰王氏周靈王太子晉之後

官封相繼

一作繼

實生聖女以母唐帝公惟后季

孫曰用太

天子吾甥卑

躬慎德不與寵橫方年未老后哀猶新如何不惠而殞

其身刻文茲石久載攸存

祝曰久載謂永久也。存一作行

五百家註昌黎文集卷二十七

五百家註昌黎文集卷二十八 宋 魏仲舉 編

碑誌銘

曹成王碑

洪曰曹成王碑造語法子雲也南山詩平淮
西碑氣象宏富法相如也進學解師說之類
精曰道理法劉向也凡為文字字有法
左氏司馬遷也班固已下不論嘗見一士人
云洪又曰退之性不喜書然嘗云凡為文詞
宜略識字如曹成王碑用剗鞞鏐撤掇英
趾等字
是也

王姓李氏諱臯字子蘭諡曰成其先王明以太宗子國

曹絕復封傳五王至成王

孫曰永隆元年十月明坐與太子賢通謀降封零陵王徙

黔州都督謝祐逼殺之三子俊嗣王南州別駕桀為黎國公垂拱四年並遇害神龍初以傑子允為嗣曹王後備自南還詔停肩封而封備備卒開元十二年復封肩肩卒子戢嗣位左衛率府中郎將子臯嗣是為成王

成王嗣封在玄宗世蓋於時年十七八

孫曰天寶十一年臯嗣封年二

十紹爵三年而河南北兵作天下震擾王奉母太妃逃

禍民伍得間走蜀從天子天子念之自都水使者拜左

領軍衛大將軍

韓曰臯事母太妃鄭氏以孝聞安祿山反奉母逃民間走蜀謁玄宗自都水

監使轉貳國子秘書韓曰自都水監使者王生十年而

失先王

孫曰開元二十一年父載卒

哭泣哀悲弔客不忍聞喪除痛

自刮磨豪習委已於學稍長重知人情急世之要耻一

不通侍太妃從天子于蜀既孝既忠持官將身

將字一作持一

作標內外斬斬由是朝廷滋欲試之於民上元元年除温

州長史行刺史事

孫曰上元元年京師旱米斛直數千死者甚衆臯臯度俸不足養亟請外官

不允乃故抵微法貶温州長史俄攝州事

江東新劉於兵

補注謂為兵所割割也。劉空胡切

郡旱飢民交走死無弔王及州不解衣下令掎鎖擴門

舊注拊擊也把也彼垢切擴一作橫悉棄倉實與民活數十萬

人一作活數萬人奏報升秩少府監孫曰時州大饑有官粟數十萬斛臯欲行賑救掾吏

叩頭乞候上旨臯曰人日不再食且死安暇稟命若殺我一身活數千人命利莫大焉於是開倉盡散之以擅

貸之罪飛章自劾天子嘉與平袁賊孫曰寶應元年八月

攻陷台州刺史史叙脫身走因盡陷浙東諸州縣有衆數萬越及浙西僭號改元寶勝詔河南道副元帥李光

弼討之四月晁卒祝曰與及也仍徙秘書仍一蕪州別

駕部告無事樊曰臯自温州長史改處州別駕行州事

必其遷真于衡樊曰自處州召至京未得見即上書言字誤

是始除刺史故云遷真。
真一作鎮一本無真字法成令修治出張弛申指切一作施

聲生勢長上聲觀察使補注時辛京果噎媚祝曰噎妬也史記

王后亦以妬媚不嘗侍病。
噎烏結切媚音墨冒寐三音不能出氣誣以過犯御史

劾之劾胡得切又胡貶潮州刺史樊曰臯坐小法為楊

炎起道州相德宗還王于衡以直前謾孫曰大曆十二

侍郎揚炎為道州司馬十四年五月德宗即位八月召炎為相炎還臯于衡王之遭誣在治

念太妃老將驚而戚出則囚服就辯入則擁笏垂魚坦

坦施施祝曰詩將其來施即貶于潮以遷入賀及是然

後跪謝告實初觀察使殘虐使將國良戍界良以武岡

叛

祝曰武岡邵州縣

成衆萬人

成一

斂兵荆黔洪桂伐之二年

尤張

韓曰邵州賊王國良本湖南衙將京果使鎮武岡縣以扞西原蠻京果貪暴國良家富京果以死罪

加之國良危懼因人所苦遂散財聚衆据縣以叛與西原蠻合聚衆千人侵掠州縣瀕湖千里皆被其害詔荆

黔洪桂諸道合兵討之連歲不能下於是王帥湖南

補注建中元年四月以臯為湖南觀

察使代京果

將五萬士以討良為事王至則屏兵投良以書

中其忌諱良羞畏乞降狐疑進退

韓曰臯受命遺國良書曰觀將軍非敢大

逆蓋遭讒嫉救誤死而已將軍遇我何不速降我與將軍同為卒京果所構我已蒙聖朝昭雪使我何心持刃

殺將軍耶將軍以為不然我以陣術破將軍陣以攻法屠將軍城非將軍所及也國良奉書且憂且喜遣使請降亦未必決。疑一作鼠。王即假為使者從一騎蹕五百里蹕教抵

良壁鞭其門大呼我曹王來受良降良今安在良不得

已錯迂迎拜迂一作愕盡降其軍韓曰建中二年七月臯單騎稱使者徑入國良壘中

大呼其軍曰有識曹王者乎乃我也何不速降一軍愕貽不敢動國良迎拜叩頭請罪臯執手約為昆弟則盡然攻守具散其兵有詔赦之賜名維新 太妃薨王棄部隨喪之河南葬及

荆被詔責還責一作遣會梁崇義反王遂不敢辭以還韓曰建中

二年臯丁母艱奉喪至江陵二月山南東道節度使梁崇義反乃授臯起復左衛大將軍復還湖南升秩

散騎常侍明年李希烈反

一無上四字

遷御史大夫授節帥

江西以討希烈

孫曰建中三年十月淮寧軍節度使李希烈反以臯為江西觀察使兼御史大夫

夫命至王出止外舍禁無以家事關我哀兵大選洪州

韓曰按舊史伊慎傳云臯始至鍾陵大集將吏鍾陵洪州也今本皆作江州非是別本又作江南

羣能

著職

韓曰按新舊史臯為江西節度使洪州刺史至則集將吏令曰有功未申與懷器謀不發者皆自言

得裨校伊慎李伯潛劉旻悉補大將擢王鏐王親教之為中軍以馬彛許孟容為賓佐。著直畧切

搏力勾卒羸越之法

集注搏力勾卒皆兵法也按商子農戰篇凡治國者患民之散不可

搏也是以聖人作一以搏之又曰搏民力以待外事然後患可以去而王可致則搏力知其為秦法也左傳哀

公十七年越子伐吳吳子禦之笠澤夾水而陣越子為左右勾卒杜預注云勾卒鈞伍相著別為左右屯則勾

卒知其為越法也臯治戰艦哀兵二萬以士二千五百委伊慎等教之自將五百人教以秦兵團力法聯其賞

罰弛張如一乃約以五百人擊慎卒二千五百莫能當其鋒即盡教之。搏徒官切勾音鈞卒音猝羸音盈秦

姓也今曹誅伍甲樊曰甲凡數音如字賤也音脾價也誤作羸音俾使也音婢形丁大也音班水名

或云音界然集韻所無今公所云以艦步二萬人祝曰

意逆之不過教之以兵法行誅賞耳艦步二萬人艦禦

謂舟師步謂步兵。艦音艦以與賊遇音悟噉鋒蔡山

踏之噉謂一舉盡噉禮記無噉矣踏僵也韓曰時希烈兵柵廣濟之蔡山不可攻臯聲言西取蘄州引舟

師泝流而上賊聞以羸師保柵悉軍行江北與臯直西去蔡山三百餘里臯遣步士悉登舟順流而攻蔡山拔

之。喂楚快。剗。剗之。黃梅。舊注剗削也。樊曰：鼻既拔，蔡

取。剗州降其將李良，又攻黃梅，殺賊將韓霜。大鞞長平

長。平地名。鞞，熟皮也。又說文云：栗也。鏐，廣濟。祝曰：說文鏐，兩

名。廣濟，剗州縣。掀，剗春。祝曰：掀，舉出也。剗春亦。掀，剗水。

祝曰：掀，擊也。選，掀波而濟。水，剗水亦。撮，黃崗。祝曰：撮，拾

縣名，屬黃州。筭，漢陽。祝曰：廣韻：筭，着也。鍼，箭具。漢陽縣

行。跣，汧川。祝曰：跣，蹈也。選，蹈不頓。跣，汧川亦。縣名，屬沔

作。汶水非是。還大膊。剗水界中。樊曰：左傳成二年，殺而

博又頗
洛切
披安三縣
祝曰廣韻披開也
裂也。披普靡切
誅其州斬偽刺史

韓曰興元元年七月
臯遣伊慎王愕將兵圍安州
州城阻澗水為固攻之累不下
希烈遣甥劉戒虛以步騎八

千援之臯命李伯潛分師迎擊于應
山俘之遂下安州斬其刺史王嘉祥
標光之北山孫曰

抄也光州有光山縣無
北山恐誤。標匹遙切
隋光化祝曰諸大食也說文

名並屬隋州
。諸他合切
拈其州祝曰後漢拈羽羣注紫字書從手

一作拈械也
拈音姑活切
十抽抽引一推祝曰推擊也當從木史記

切
救兵州東北屬鄉韓曰希烈又遣兵援隋州臯令伊
慎擊其將康叔夜於屬鄉大破之

復平靜白鴈等關賊遂不敢南畧。
鄉或作屬鄉鄉下又有縣字皆非是。
屬還開軍受降韓曰

未幾李惠登大小之戰三十有二取五州十九縣樊曰以隋州降

謂蕪黃安沔隋也舊史云凡下州四縣十七按地理志

蕪四縣安六縣黃三縣隋四縣凡十七縣傳止書其取

蕪安黃隋故云四州十七縣公又書沔州漢陽

汝川二縣故云五州十九縣。縣下一有之字民老幼

婦女不驚市買不變田之果穀下無一跡加銀青光祿

大夫工部尚書改戶部再換節臨荆及襄孫曰貞元元年四月以臯

為荆南節度使三年閏五月以臯真食三百王之在兵

為襄州刺史山南東道節度使

天子西巡于梁孫曰興元二年二月車駕幸梁州希烈北取汴鄭孫曰建中

四年十二月希烈陷東畧宋圍陳西取汝亳東都亳一作薄

汴州。汴字一作沔

王坐南方北向落其角距

其吕切

賊死咋

祝曰咋聲大也仄草切

不

能入寸尺土將卒十萬盡輸其南州王始政於温終政

於襄恒平物估賤斂貴出民用有經

張曰臯性勤儉知人疾苦所至恒平

物估貴則出賣之給將吏廉偉豪舉不得擅其利

一吏民

一或作一吏取民又或作一

之平使令家聽戶視姦宄無宿

洪曰臯設監司能參聽下得將吏短長賞罰必

信。一本

作無所宿府中不聞急步疾呼治民用兵各有條次世

傳為法任馬彛伊慎王鏐將

趙本作任馬彛將慎將鏐將一作任馬彛將慎將鏐

將王皆盡其力能

趙本作王偕盡其力一本作王偕盡其力一作王偕能盡其力一云能

盡其功補注貞元八年三月薨贈右僕射卒年六十元和初以子道

古在朝更贈太子太師道古中進士第補注貞元五年遷

司門郎孫曰憲宗即位以道古為司門員外郎刺利隋唐睦徵為少宗正

兼御史中丞以節督黔中孫曰元和八年十月自宗正卿除御史中丞充黔中觀察

使朝京師改命觀察鄂岳蘄沔安黃孫曰元和十一年道古自黔中朝京

師以為六州都團練觀察使提其師以伐蔡且行泣曰先王討蔡實

取沔蘄安黃寄惠未亡今余亦受命有事于蔡而四邑

適在吾封祝曰四邑謂沔蘄安黃也庶其有集先王薨於今二十五

年

補注即元和十一年

吾昆弟在

補注鼻三子象古復古道古

而墓碑不刻無

文其實有待子無用辭乃序而請辭

一有曰字

太支十三曹於弟季

祝曰太宗十四子其一子高宗也其餘支子十三人曹王為季

或

亡或徵曹始就事明之祖王

孫曰明之祖王謂始王於曹也

畏塞絕遷

孫曰謂黔州安置也

零王黎公

韓曰明二子俊嗣封零陵王傑封黎國公

不聞僅存子

父易封

孫曰傑子胤封曹王後傑弟備自南還詔停胤封而封備後備卒復以胤為嗣曹王

三王

守名

孫曰三王謂備胤戢也守名言但有空名耳

延延百載以有成王成王

之作一自其躬文被明章武薦峻功蘓枯弱疆

一云吹蘓枯疆

齷有姦猖

祝曰廣韻云齷齷也謂屢破希烈之衆。齷音懸。

以報于宗以昭于

王王亦有子

或云此下疑脫一句

處王之所

孫曰謂道古為鄂岳等州帥也

唯舊

之視蹶蹶陞陞

祝曰蹶蹶行遽也詩良士蹶蹶居衛切。一本陞亦作陞

實取實似

一作有似
一作其似
刻詩其碑為示無止

息國夫人墓誌銘 井序

韓曰其曰葬河南河陽以其事乞銘於其鄰韓愈則李樂實河南人耳樂無傳

貞元十五年靈州節度使御史大夫李公諱樂

孫曰貞元九年

十二月靈州節度使杜希全卒十年正月以本軍行
軍司馬李樂為留後十一年五月以樂為節度使 守

邊有勞詔曰樂妻何氏可封息國夫人

樊曰貞元十五年正月詔平盧

節度使李師古及樂等妾媵並封國夫人何封息國

元和二年李公入為戶部尚

書薨夫人遂專家政公之男五人女二人而何氏出者

二男一女夫人教養嫁娶如一雖門內親戚不覺有纖

毫薄厚御僮使治居第生產皆有條序居卑尊間無不

順適命服在躬承祀孔時年若干元和七年甲子

孫曰七年

下當有十一月字蓋是歲十一月九日甲子冬至也

日南至以疾卒明年八月庚

寅葬河南河陽夫人曾祖某綏州刺史祖某潞州別駕

父某晉州錄事參軍二男戡左威衛曹參軍

曹一作倉

成

左清道率府錄事參軍女子嫁興元參軍鄭博古將葬

戡與成以其事乞銘於其鄰韓愈愈乃為銘曰

男主外事

主一作子

治為不易

一作治不為易

施于其家甚難吏治

一作難於吏治

又况公侯

又况一作况又

族大而貴夫人是專厥聲惟

懿昔在貞元有錫自天啟封備服以疇時勳婉婉夫人

有籍官門克承其後以嫁以婚隨葬東土在河之陽遙

望公墳而不同藏

試大理評事王君墓誌銘

劉曰王荆公云退之善為銘如王適張徹銘尤奇也

君諱適姓王氏好讀書懷奇負氣不肯隨人後舉選見功業有道路可指取而名節可以戾契致

祝曰戾契與真契字同廣

韻云多節目也。戾練結切契苦結切

困於無資地不能自出乃以干諸

公貴人借助聲勢諸公貴人既志得皆樂熟軟媚耳目

者不喜聞生語一見輒戒門以絕上初即位

補注謂憲宗即位

以四科募天下士

程曰元和元年四月試博通墳典達於教化科才識兼茂明於體用科達

於吏理可使從政科軍
謀宏遠堪任將帥科

君笑曰此非吾時耶即提所作

書緣道歌吟趨直言試既至對語驚人

一作衆洪曰撫言云王適侍御

元和初舉賢良方正直言極諫科太
直見黜即退之所云對語驚人衆也

不中第益困久之

聞金吾李將軍

樊曰李惟簡憲宗時為金吾衛大將軍

年少喜士可撼乃

踏門告曰

祝曰踏小步也詩不敢不踏選屏氣跼踏資息切。一作踏門

天下奇男子

王適願見將軍白事一見語合意往來門下盧從史既

節度昭義軍張甚奴視法度士欲聞無顧忌大語有以

君生平告者即遣客鉤致君曰狂子不足以共事立謝

客李將軍由是待益厚奏為其衛曹參軍充引駕仗

判官盡用其言將軍遷師鳳翔

樊曰元和六年五月以惟簡為鳳翔隴州節度

使君隨往改試大理評事攝監察御史觀察判官攝垢

爬痒

爬蒲巴切

民獲蕪醒居歲餘如有所不樂一旦載妻子

入閩鄉南山不顧

集注弘農湖縣有閩鄉汝南西平有閩亭前漢以胡閩鄉邪里聚為戾園

注云閩字本從曼其後轉訛誤作門中受耳。閩音聞又亡云切

中書舍人王涯獨孤

郁吏部郎中張惟素比部郎中韓愈

韓曰元和八年三月以公為比部郎

中日發書問訊顧不可強起不即薦明年九月

一有病疾字

輿醫京師某月某日卒

樊曰按上文觀之當是元和九年卒

年四十四

一月某日即葬京城西南長安縣界中曾祖爽洪州武

寧令祖微右衛騎曹叅軍父嵩蘇州崑山丞妻上谷侯

氏處士高女高固奇士自方阿衡太師世莫能用吾言

再試吏再怒去發狂投江水

樊曰高字玄覽上谷人隱於廬山自號華陽居士達

奚撫為楚州刺史起高攝盱眙令國子祭酒李遜為衛州刺史請高治信安縣元和五年八月遜觀察浙東又

以高宰于刺三縣皆有政後得心疾留其子狗兒於浙東從事李翺家自歸廬山至江西卒

初處士

將嫁其女懲曰吾以齟齬窮瘁一女怜之必嫁官人不

以與凡子君曰吾求婦氏久矣唯此公可人意且聞其
女賢不可以失即謾謂媒媼韓曰說文媼母也威過切吾明經及第

且選即官人侯翁女幸嫁若能令翁許我請進百金為

媼謝諾許白翁翁曰誠官人耶取文書來君計窮吐實

媼曰無苦翁大人不疑人欺我得一卷書粗若告身者

我袖以往翁見未必取眎幸而聽我行其謀行一作施翁望

見文書銜袖一作軸果信不疑曰足矣以女與王氏生三

子一男二女男三歲夭死長女嫁亳州永城尉姚佺他頂

切一作挺

其季始十歲

補注永貞元年其季生

銘曰

鼎也不可以柱車

祝曰柱掌也後漢切

馬也不可以守

閭

洪曰淮南子柱不可以摘齒管不可以持屋

佩玉長

裾

長一作曳

不利走趨祗繫其逢不繫巧愚不諧其須有街

不祛

孫曰言有所懷不得用也

鑽石埋辭以列幽墟

扶風郡夫人墓誌銘

韓曰夫人馬暢之妻

夫人姓盧氏范陽人亳州城父丞序之孫吉州刺史徹

之女

微一作撒
一作撒

嫁扶風馬氏為司徒侍中莊武公之冢

婦

韓曰馬燧字洵美貞元三年拜司徒侍中十一年薨贈太傅謚莊武

少府監西平郡王

贈工部尚書之夫人

樊曰燧二子彙暢暢元和五年終少府監贈工部尚書

初司

徒與其配陳國夫人元氏惟宗廟之尊重總序之不易

賢其子之才求婦之可與齊者內外親戚咸曰盧某舊

門承守不失其初其子女聞教訓有幽閒之德為公子

擇婦宜莫如盧氏媒者曰然卜者曰祥夫人適年若干

入門而媪御皆喜既饋而公姑交賀克受成福母有多

子為婦為母莫不法式天資仁恕左右媵侍嘗蒙假與
顏色人人莫不自在杖婢使數未嘗過二三雖有不憚

未嘗見聲氣元和五年尚書薨

孫白遂歿後以資甲天下暢亦善殖財家益豐

晚為豪倖侵牟又彙妻訟析產貞元末神策中尉楊志廉諷使納田產至順宗復賜之中官往往逼取暢畏不

敢吝以至窮困當世以暢厚畜為戒夫人哭泣成疾後二年亦薨年四十

有六九年正月癸酉祔于其夫之封長子教一作教殿中

承繼祖

補注繼祖後十餘年終殿中少監公亦誌其墓

孝友以類葬有日言曰

吾父友惟韓丈人視諸孤其往乞銘以其狀來愈讀曰

嘗聞乃公言然吾宜銘銘曰

陰幽坤從惟德之恒

胡登切

出為辯強乃匪婦能淑哉夫

人夙有多譽來嬪大家不介父母有事賓祭酒食祇飭

協于尊卑

韓曰一作協于尊章章夫之父母亦曰兄也

畏我侍側

畏我一作我之

及

嗣內事

及一作乃

亦莫有施齊其躬心大小順之夫先其歸

一作不失有歸

有室有丘合葬有銘壺爨是收

祝曰壺宮中道詩室家之壺古

切本

唐故殿中侍御史李君墓誌銘

并序

殿中侍御史李君名虛中字常容其十一世祖冲貴顯

拓拔世

集注冲字思順涼武昭王嵩曾孫事後魏封清淵侯元和姓纂云冲生休纂六代孫偁文州刺

史堂孫虛中是虛

中乃冲八代孫

父憚

紆憤委墮二切

河南温縣尉娶陳留太守

薛江童女生六子君最後生愛於其父母年以長

以一作少

喜學無所不通最深於五行書

樊曰今世有李虛中命書

以人之始

生年月日所直日辰支干相生勝衰死相王

柳曰太玄經用事者

王王所生者相注謂春則木旺而火相也。相王並去聲

斟酌推人壽夭貴賤利不

利輒先起其年時百不失一二其說汪洋奧義

一作美闕

節開解萬端千緒參錯重出學者就傳其法初若可取

卒然卒千忽切失之星官歷翁莫能與之校得失進士及第

韓曰貞元十一年虛中登第試書判入等補祕書正字母喪去官卒

喪選補太子校書河南尹奏疏授伊闕尉佐水陸運事

孫曰貞元十六年九月以張式為河南尹水陸轉運使奏虛中為佐故宰相鄭公餘慶繼

尹河南以公為運佐如初孫曰元和元年十一月宰相

武公元衡之出劔南孫曰元和二年十月以宰相武元衡為西川節度使奏奪為

觀察推官授監察御史樊曰今諸葛武侯碑陰元和四年二月二十九日題名有觀察

使推官監察御史裏行李虛中在未幾御史臺疏言行

焉其碑裴度時為元衡書記所作

能高不宜用外府即詔為真御史半歲分部東都堂祝

為監察御史

分司東都也遷殿中侍御史元和八年四月詔徵既至

宰相欲白以為起居舍人經一月疽發背六月乙酉卒

年五十二其年十月戊申葬河南洛陽縣距其祖渑池

令祝曰渑池縣名史記秦王與府君僑墓十里君昆弟

六人先君而歿者四人其一嘗為鄭之滎澤尉信道士

長生不死之說既去官絕不營人事故四門之寡妻孤

孩與熒澤之妻子衣食百須皆由君出自初為伊闕尉
佐河南水陸運使換兩使經七年不去所以為供給教
養者及由蜀來輩類御史皆樂在朝廷進取君獨念寡
稚求分司東出嗚呼其仁哉君亦好道士說於蜀得秘
方能以水銀為黃金服之冀果不死將疾謂其友衛中
行大受韓愈退之曰吾夢大山裂流出赤黃物如金左
人曰此所謂大還者今三年矣一無年字君既歿愈追占其
夢曰山者艮艮為背裂而流赤黃疽象也大還者大歸

也其告之矣妻范陽盧氏鄭滑節度使兼御史大夫羣
之女孫曰羣字戴初范陽人貞元十六年四月為義成節度使與君合德親戚無一
退言男三人長曰初協律次曰彪其幼曰還適三歲女

子九人銘曰

不羸其躬羸一作羸以尚後人

五百家註昌黎文集卷二十八

五百家註昌黎文集卷二十九

誌銘

唐故朝散大夫商州刺史除名徙封州董府君
墓誌銘

韓曰公詩有送董溪壻陸暢云我實門下士
力薄蚋與蚊受恩不即報永負湘中墳謂溪
流封州死湘中也至
是歸葬公誌其墓云

公諱溪字惟深丞相贈太師隴西恭惠公第二子

樊曰隴西

公董晉也生四子全道全
爰全素全澣溪即全爰也

十九歲明兩經獲第有司沉

厚精敏未嘗有子弟之過賓接門下推舉人士

舉一作與侍

側無虛口退而見其人淡若與之無情者太師賢而愛
之父子間自為知己諸子雖賢莫敢望之太師累踐

大官臻宰相致平治終始以禮號稱名臣晨昏之助益

有賴云太師之平汴州年考益高

樊曰貞元十二年七月晉帥汴州時年七

十孳持維綱鋤削荒類

祝曰類絲節淮南子明月之珠不能無類音未。一作頑納

之太和而已其囊篋細碎無所遺漏繫公之功上介尚

書左僕射陸公長源

孫曰長源字泳之是歲八月自前汝州刺史為宣武行軍司馬齒

差太師標望絕人間其所為每稱舉以戒其子楊凝孟

叔度以材德顯名朝廷及來佐幕府

樊曰凝自左司郎中為檢校吏部郎

中觀察判官叔度自殿中侍御史為檢校詣門請交屏

金部員外郎度支判官。佐或作往非是

棄所挾為太師薨

補註貞元十五年二月晉卒始以祕書郎選參軍

選一京兆府法曹日伏階下與大尹爭是非大尹屢黜

作遷已見歲中奏為司錄參軍與一府政與音預以能拜尚書

度支員外郎遷倉部郎中萬年令兵誅恒州

補註恒州成德軍

改度支郎中攝御史中丞為糧料使

樊曰元和四年十月以神策軍中尉

吐突承瓘為鎮州行營招討處置使征王承宗以溪及于臯謨為東道行營糧料使

兵罷

樊曰元和五年

七月赦承宗

遷商州刺史糧料吏有忿爭相牽告者事及於

公因徵下御史獄

因一作固又一作顯

公不與吏辯一皆引伏受

垢除名徙封州死相中

樊曰二年糧料吏有忿爭相告言五月溪臯謨皆生賊數千緡

勅貸死流臯謨春州溪封州行至潭州並遣中使賜死權德輿傳亦云董溪于臯謨以運糧使盜軍資流嶺南

憲宗悔其輕詔中使半道殺之誌第云死相中諱之也

年若干明年立皇太子有

赦令

孫曰元和七年七月立遂王宥為太子大赦天下

許歸葬其子居中始奉

喪歸元和八年十一月甲寅葬于河南河南縣萬安山

下太師墓左夫人鄭氏祔公九再娶皆鄭氏女生六子

四男二女長曰全正惠而早死次曰居中好學善為詩

張籍稱之次曰從直次曰居敬尚小長女嫁吳郡陸暢

嚴曰退之有送暢歸江南詩
云迎婦丞相府誇映秀士羣其季女後夫人之子公之

母弟全素孝慈友弟公坐事棄同官令歸公歿比葬三

年哭泣如始喪者大臣高其行白為太子舍人將葬中

舍人與其季弟澥
戶買切問銘於太史氏韓愈
韓曰元和八年

正月公為比部即中史館修撰愈則為之銘辭曰

物以久弊或以輾毀

補註輾車所踐也力的切

考致要歸孰有彼此

補註言物之終於一致同歸也

由我者吾不我者天斯而以然其誰使

然

貞曜先生墓誌銘

韓曰先生孟郊也湖州武康人以詩名唐人謂孟詩韓筆故公誌及銘皆以詩稱之

唐元和九年歲在甲午八月己亥貞曜先生孟氏卒無

子其配鄭氏以告愈走泣哭

孫曰當作愈赴位哭謂為位以祭而哭也且召

張籍會哭明日使以錢如東都供葬事諸嘗與往來者

咸來哭弔韓氏遂以書告興元尹故相餘慶

樊曰元和元年三月

以故相鄭餘慶為

閏月

補注是歲閏八月

樊宗師使來弔

補注來弔弔公

也告葬期

祝曰時宗師自太子舍人持母喪在東都

徵銘於愈愈哭曰嗚呼

吾尚忍銘吾友也夫興元尹

一作人

以幣如孟氏賻

餘孫曰慶

給錢數萬葬送賻給其家賻助也所以贈終。賻符遇切

且來商家事

補注家事謂孟郊家事公

集有與鄭餘慶書云再奉示問皆緣孟家事又云樊宗師在東都經營孟家事不啻如己其言大抵與此誌合

樊子使來速銘曰不則無以掩諸幽乃序而銘之先生

諱郊字東野父庭玠

彬音

娶裴氏女而選為崑山尉

補注選謂

赴部選也

生先生及二季鄴郢而卒先生生六七年

補注天寶十年

郊生端序則見

一作則有

長而愈騫涵而揉之

一作足

內外

完好色夷氣清可畏而親及其為詩劇目鉢心

祝曰劇利傷也

老子廉而不劓鉢長針也說文綦鉢也。劓居衛切鉢時橘切又音述

物迎鏤解

物一作刃鉤

章棘句指擢胃腎

祝曰指指也刮也廣韻引周書師乃指指音滔或作滔非是

神施

鬼設間見層出唯其大翫於辭而與世採掇

一作未掇一作未擬

人皆劫劫我獨有餘有以後時開先生者

開一作聞

曰吾既

儕而與之矣

儕一作儕

其猶足存耶年幾五十始以尊夫人

之命來集京師從進士試既得即去

樊曰貞元十二年呂渭知舉郊登第

年五十四間四年又命來選為溧陽尉

溧音栗又下

迎侍溧

上孫曰溧陽有投金瀨平陵城林薄蒙翳下有積水郊間往坐水旁裴回賦詩而曹務多廢令白府以假尉

代之分其半俸去尉二年而故相鄭公尹河南奏為水陸運從

事孫曰元和元年十一月以鄭餘慶為河南尹水陸轉運使李翱分司洛中與郊善薦之餘慶以為判官

試協律郎親拜其母於門內母卒五年而鄭公以節領

興元軍

孫曰元和九年三月以餘慶為興元尹

奏為其軍參謀

樊曰郊有詩謝餘慶

云國老出為將紅旗入青山再招門下生結束餘病孱
自笑騎馬醜強從駟馳間顧顧摩天路象象鏡下顏文
魄既飛越宦情唯等閑羨他白面少多是清朝班惜
命非所報慎行誠獨難悠悠去住心兩說何能剛 試

大理評事挈其妻行之興元次于閬鄉

閬音文注見大理評事王君墓

誌 暴疾卒年六十四買棺以斂以二人輿歸鄧郢皆在

江南

補注鄧郢家湖州武康縣湖屬江南

十月庚申樊子合凡贈賻

補注樊宗

師也而葬之洛陽東其先人墓左以餘財附其家而供祀

一云將葬張籍曰先生揭德振華於古有光

一無古有光三字

賢者故事有易名况士哉如曰貞曜先生則姓名字行

有載不從講說而明

從一作待

皆曰然遂用之初先生所與

俱學同姓簡

補註簡字幾道

於世次為叔父

一有執字

由給事中觀

察浙東

孫曰元和九年九月簡自給事中為浙東觀察使

曰生吾不能舉

舉一作學

死吾知恤其家銘曰

於戲貞曜維出不訾維持不猗

集注訾凡數義集韻云思也毀也思不稱意也

惟前漢書訾讀與貲同顏師古注多財也若曰不貲則貧也猗亦二義詩那云猗與歎辭也節南山云有實其猗鄭氏注倚也若曰不猗則無所倚也東野以貧出仕而中立不倚卒至於無所施為止用昌其詩銘意如是而已。一本作維

執不倚維出不訾

維卒不施以昌其詩

其一作有。樊曰蘓子瞻嘗舉

此以問王定國當昌其身耶昌其詩也來詩下語不契作詩答之有云昌身如飽腹飽盡還復飢昌詩如膏面為人作容姿不如昌其氣鬱鬱老不衰雖云老不衰却懷安所之不如昌其志志一氣自隨養之塞天地孟軻不吾欺公謂東野昌其詩而東坡乃云不如昌其志蓋蘇嘗讀東野詩有未足當韓豪之句不為所取也

唐故秘書少監贈絳州刺史獨孤府君墓誌銘

韓曰獨孤郁有傳事多出此誌

君諱郁字古風河南人

補注河南洛陽人

常州刺史贈禮部侍

郎憲公諱及之第二子

樊曰及字至之代宗時官常州刺史二子朗郁

憲公躬

孝踐行篤實而辯於文勸飭指誨以進後生

樊曰及喜鑒拔後進

如梁肅高參崔元翰陳京唐次齊抗皆師事之性孝友其為文章明善惡長於論議韓曰舊史公傳大歷貞元間文士多尚古學效楊雄董仲舒之述作而獨孤及梁肅最稱淵奧愈從其徒湛銳意鑽仰欲自振於一代

名聲垂延紹德惟克君生之年憲公歿世

祝曰大歷十二年四月二

十九日卒年五十

與其兄朗

補注朗即用晦

畜於伯父氏

祝曰郁始

生而孤與朗始微有知則好學問咨稟教飭不煩提諭育於伯父汜

月開日益卓然早成年二十四登進士第

祝曰貞元十二年郁與朗

同來舉進士時郁年二十二

時故相太常權公掌出詔文

孫曰

制誥。詔文一作文誥

望臨一時登君於門歸以其

子歸一作妻選授協律郎朋遊益附一作朋華問彌大元和

元年對詔策拜右拾遺

孫曰元和元年四月應材識兼茂明于體用科中第三辛酉為

左拾遺二年兼職史館孫曰兼史館修撰

四年遷右補闕詔中貴

人承瓘七罪切將兵誅王承宗河北君奏疏諫召見問狀

有言動聽

孫曰元和四年十月以神策中尉吐突承瓘為河中等道行營兵馬招討處置等使討王

承宗郁與度支使李元素鹽鐵使李鄴京兆尹許孟容御史中丞李夷簡給事中呂元膺穆質等極言其權太重上不得已削承瓘四道兵馬使改處置為宣慰其後上將有所相不可於眾

君與起居舍人李約交章指摘事以不行五年遷起居

郎為翰林學士愈被親信有所補助權公既相君以嫌

自列

孫曰元和五年九月德輿同平章事郁以嫌自列守本官起居郎

改尚書考工負

外郎復史館職

樊曰郁以德輿故辭翰苑憲宗曰德輿乃有此佳婿因詔宰相高選世族故杜

琮尚岐陽公主然帝猶謂不如德輿之得郁也因拜為考工負外郎充史館修撰判院事

七年以考

功知制誥入謝因賜五品服八年遷駕部郎中職如初

權公去相復入翰林

孫曰元和八年德輿罷相十月復以郁為翰林學士

九年以

疾罷尋遷秘書少監

孫曰元和九年以疾辭內職十月改秘書少監

即閑居於

郊

補注謂屏居郭縣

十年正月病遂殆甲午輿歸卒於其家贈

絳州刺史年四十男子二人長曰某早死

補注長男前一歲未成童

卒次日曰天官始十歲

樊曰傳云子庠字賢府喪父始十歲此云天官豈小字耶孫曰天官

元和元年生後名晦

有至性聞呼父官與聞弔客至輒號泣以絕

女子一人夫人天水權氏贈太子太保貞孝公舉之承

孫故相今太常德輿之女

孫曰是歲十月權氏亦卒年三十一

胤慶配良

是似是宜

似一作公

四月己酉其兄右拾遺朗以喪東葬河

南壽安之甘泉鄉冢塋憲公墓側

冢一作冢

將以五月壬申

窆

補注窆下棺也彼驗切

謂愈曰子知吾弟久敢屬以銘銘曰

於乎古風褻順而裏方

陳曰褻領也衣表也詩緇衣朱褻謂衣領之在外者。褻布谷

切又音博

不耀其章其剛不傷戴美世令

戴一作戴

而年再不羸

惟後之成

唐故尚書虞部員外郎張府君墓誌銘

韓曰張府君卒葬年月日誌皆不書以公祭文考之公時為考功郎中知制誥在京師季友歸葬長安公於是祭之且誌其墓元和十一年也

尚書虞部員外郎安定張君諱季友

嚴曰季友乃退字之同年進士

孝權年五十四病卒東都明年兄子塗與其弟庾揆等

護柩歸葬長安縣馬額原夫人北海唐氏之封前事塗

進韓氏門伏哭庭下

一有叔父且死幾於不能言矣張曰字

目而言曰吾不可無告韓君別藏而不得韓君記猶不

葬也塗為書致吾意

吾一作君

已而自署其末與封敢告以

請愈既與為禮

補注為禮謂為位以哭

發書云云其末有複語千

萬永訣八字名月日與封皆孝權迹孝權與余同年進

士

樊曰貞元八年進士第八與公同年

其上世有髡者

髡古老切

當宇文時

為車騎大將軍鄜城太守卒葬河北謚曰忠公至孝權

間五世矣孝權大父諱孝先太子通事舍人父諱庭光
贈綏州刺史綏州之卒孝權益尚小母曰太原縣君縣
君卒既葬孝權守墓樹松栢三年而後歸選為河南文
學去官徐州使拜章

孫曰貞元十六年六月以張建封之子愔為徐州團練使請為

判官授協律郎孝權始不痛絕詔下大悔即詐稱疾不
言三年元和初徐使死

孫曰元和元年十一月愔卒

孝權疾即日已

試判入高等授鄆縣尉

鄆胡古切

明年

孫曰元和四年

故相趙宗儒

鎮荆南以孝權為判官拜監察御史經二年拜真御史

明年分司東臺轉殿中

韓曰轉殿中侍御史

按皇甫氏子母病不

侍走京師求試職宰相怒曰吾故皇甫氏御史助所善

相戲法侮我皇甫媪何疾

祝曰媪母老稱也漢書常從王媪負貫酒音襖

銜未

決皇甫母病果死得解遷留司虞部員外郎

補注謂分司東都也

孝權為人孝謹與人語恐傷之而時疑疑有立

疑魚與立切

孝權遊者極衆而獨以其死累余可尚也已是為銘

本宅

注云銘七

唐故檢校尚書左僕射右龍武統軍劉公墓誌

銘

韓曰公既為劉統軍作此誌又為作碑銘碑銘見前二十七卷

公諱昌裔字光後本彭城人曾大父諱承慶朔州刺史
大父巨敖好讀老子莊周書為太原晉陽令再世官北
方樂其土俗遂著籍太原之陽曲曰自我為此邑人可
也何必彭城父訟贈右散騎常侍公少好學問始為兒
童時重遲不戲遲音穉恒若有所思念計畫及壯自試以
開吐蕃說于邊將不售歐本無于字別本作于字入三蜀從道士遊

久之蜀人苦楊琳寇掠

孫曰楊子琳蜀人初為瀘南賊帥有詔招撫使屯守瀘州時崔

寧為西川兵馬使專殺節度使郭英乂子琳表請討寧

帝遣宰臣杜鴻漸出鎮成都宣恩詔慰鴻漸乃表讓劍

南節度使與寧以子琳為瀘州刺史和解之寧入朝留

弟寬守成都子琳聞寧出乘間走入成都寬與子琳戰

復成都子琳還走瀘州招聚亡命公江東下聲言入朝

涪州守捉使王守仙伏兵黃草峽子琳悉擒之遂殺夔

州別駕張忠而據其城洪曰按代宗紀大曆三年七月瀘

州刺史楊子琳反陷成都楊琳即子琳也詳見崔寧傳

新史昌裔傳云楊惠琳亂昌裔說之按

惠琳居靈夏叛在憲宗初年新史誤也

公單船往說琳

感歎雖不即降約其徒不得為虐琳降

孫曰子琳入夔州以城守遣使

請罪帝以子琳本謀近忠乃以公常隨琳不去琳死脫

為成州刺史又移授澧州刺史

身亡沈浮河朔之間建中中曲環招起之

樊曰案新傳曲環方攻濮

州表為判官

為環檄李納

韓曰建中二年七月平盧淄青節度使李正己卒子納自稱留後

指摘切刻納悔恐動心恒魏皆疑惑氣懈

孫曰恒謂成德節度使李

惟岳魏謂魏博節度使田悅

環封奏其本德宗稱焉環之會下濮州

戰白塔救寧陵襄邑

祝曰二縣並屬宋州

擊李希烈陳州城下

樊曰

興元元年閏十月李希烈遣將翟崇暉悉眾圍陳州宋
毫節度使劉洽遣隴右幽州節度使曲環將兵三萬救
之十一月敗崇暉於州西擒之以獻公常在軍間環領陳許軍公因為陳

許從事以前後功勞累遷檢校兵部郎中御史中丞營

田副使吳少誠乘環喪引兵叩城留後上官說咨公以

城守所以能擒誅叛將

擒一作檢

為抗拒令敵人不得其便

圍解拜陳州刺史

樊曰環卒上官說知後務吳少誠引兵薄城說欲遁去昌裔指曰受詔而

守死其職也況士馬足支賊若堅壁不戰七日賊氣必衰我以全制之可也說許諾賊攻堞壞不得修昌裔密造飛棚聯柵即募突將千人鑿城以出擊賊走之比還柵已立守陴遂安兵馬使安國寧謀應賊昌裔以計斬之及斬其麾下千人賊聞解去以功擢說陳許節度使昌裔陳州刺史

韓全義敗引軍走

陳州求入保公自城上揖謝全義曰公受命詣蔡何為

來陳公無恐賊必不敢至我城下明日領騎步十餘抵

全義營全義驚喜迎拜歎息殊不敢以不見舍望公改授陳許軍司馬上官說死拜金紫光祿大夫檢校工部尚書代說為節度使命界上吏不得犯蔡州人曰俱天子人奚為相傷少誠吏有來犯者捕得縛送曰妄稱彼人公宜自治之少誠慙其軍

樊曰公誌李邢亦曰尹慙其庭中人漢袁盎為吳相

告歸道逢丞相申屠嘉下車拜謁丞相從車上謝盎還愧其吏公所謂慙其軍慙其庭中人語出此耳亦

禁界上暴者兩界耕桑交跡吏不可問封彭城郡開國公就拜尚書右僕射元和七年得疾視政不時八年五

月湧水出他界過其地防穿不補沒邑屋流殺居人拜

疏請去職即罪詔還京師

樊曰始昌裔代說為節度也
憲宗惡其自立欲召之而重

生變宰相李吉甫曰陛下乘人心愁苦可召也遂以韓
臯代之至長樂驛知帝意因稱風眩卧第歲中卒史與
誌少異誌

為之諱耶

即其日與使者俱西大熱旦暮馳不息疾大

發左右手轡止之公不肯曰吾恐不得生謝天子上益
遣使者勞問勅無亟行至則不得朝矣天子以為恭即
其家拜檢校左僕射右龍武軍統軍知軍事十一月某
日甲子薨年六十二上為之一日不視朝贈潞州大都

督命郎中弔其家明年九月某日甲子葬河南某縣某鄉某原公不好音聲不大為居宅於諸帥中獨然夫人邠國夫人武功蘇氏子四人嗣子光祿主簿縱學於樊宗師士大夫多稱之長子元一朴直忠厚便弓馬便一作使為淮南軍衙門將次子景陽景長皆舉進士葬得日相與選使者哭拜階上使來乞銘銘曰

提將之符尸我一方配古侯公維德不爽

祝曰楚詞厲而不爽些注

楚人謂羹敗曰爽。爽平聲

我銘不亡後人之慶

洪曰爽慶皆當叶韵爽讀若霜慶讀

若羗反離騷云慶夭悴而喪榮沈存中云古人諧聲如慶字多與章字叶韻孝孫有慶萬壽無疆黍稷梁農夫之慶是也集韻並收入平聲

五百家註昌黎文集卷二十九

謹案卷二十七第一頁後八行注即公所撰昌裔
墓誌刊本誌訛碑按既誌其墓又銘其碑見題
下韓注誌見卷二十九此當指前誌不得又稱
碑也今改

第九頁後六行留六日刊本日訛月據天德堂本
及本句上下兩注文義改

第九頁後八行注三室自曾祖以下也刊本祖訛
孫據文義改

第十頁後二行注虞闕父為周陶正刊本闕訛過
據左傳改

卷二十八第二頁前七行江東刊本東訛都按溫
州當言江東為是據天德堂本及文義改

第三頁前三行不能出氣刊本出訛正據文章正
宗及天德堂本改

第四頁前一行注我以陣術破將軍陣刊本脫軍
字據唐書本傳增

第七頁前七行注一作任馬彛將慎將鏐將潛刊
本馬記焉又脫潛字據考異及文章正宗改增
卷二十九第四頁前三行樊宗師使來弔刊本脫
使字據文章正宗及天德堂增

第八頁前八行及後一行贈絳州刺史句刊本脫
係沿舉正之訛按題既書此誌自應及此據考
異增

第十二頁後五行注安國寧刊本訛安寧國據唐

書本傳改





總校官庶吉士 臣侍朝

校對官庶吉士 臣陳文樞

謄錄監生 臣沈元錡